

史

記

一六



趙世家第十三

史記四十三

趙氏之先與秦共祖至中衍

正義曰中音仲

為帝大戊

御其後世蜚廉有子二人而命其一子曰惡來

事紂為周所殺其後為秦惡來弟曰季勝其後

為趙季勝生孟增孟增幸於周成王是為宅皐

狼

徐廣曰或云皐狼地名在西河○索隱曰按如此說是名孟增號宅皐狼而徐廣云皐狼地名在西河者按地理志

皐狼是西河郡之縣名蓋孟增幸於周成王成王居之於皐狼故云皐狼皐狼生衡父衡父

生造父造父幸於周繆王造父取驥之乘匹

正義

曰乘食證反並四曰乘兩曰

與桃林

正義曰括地志云桃林在陝州桃林縣西

至潼關皆為桃林塞地山海經云夸父之山北有林焉名曰桃林廣闊三百里中多馬造父於此得驪騮耳之乘獻周

穆王也。盜驪騂騶綠耳獻之繆王。索隱曰：言造父取八駿品，其色齊其力使

馴調也。並四曰：乘並兩曰匹。繆王使造父御西巡狩，見西王母。

樂之忘歸。索隱曰：穆天子傳曰：繆王與西王母觴於瑤池之上，作歌是樂而忘歸也。而譙周不信此事，而

云：余常聞之代俗，以東西陰陽所出入宗其神，謂之王父母，或曰池名在西域，有何據乎？而徐偃王反。

正義曰：括地志云：大徐城在泗州徐城縣北三十里，古之徐國也。博物志云：徐君宮人娠生，卵以爲不祥，棄於水濱，孤獨

母有犬名鵠，倉衙所棄，卵以歸，覆煖之，遂成小兒，生偃王。故宮人聞之，更收養之，及長，襲爲徐君。後鵠倉臨死，生角而九

尾，實黃龍也。繆王日馳千里馬，攻徐偃王，大破

之。索隱曰：譙周曰：徐偃王與楚文王同時去，周穆王遠矣。且王者行有周衛，豈聞亂而獨長駘日行千里乎？並言此事

非實也。乃賜造父以趙城。正義曰：晉州趙城縣，即造父邑也。由此爲

趙氏，自造父已下六世至奄父，曰公仲周宣王。

趙世家

時伐戎爲御及千畝戰

正義曰括地志云千畝原在晉州岳陽縣北九十里也

奄父脫宣王奄父生叔帶叔帶之時周幽王無道去周如晉事晉文侯始建趙氏于晉國自叔帶以下趙宗益興五世而生趙夙趙夙晉獻公之十六年伐霍魏耿而趙夙爲將伐霍霍公求犇齊

徐廣曰求一作來

晉大旱卜之曰霍太山爲祟使

趙夙召霍君於齊復之以奉霍太山之祀晉復

穰晉獻公賜趙夙耿

索隱曰今河東皮氏縣耿鄉

夙生共孟當

魯閔公之元年也共孟生趙衰字子餘

索隱曰系本云公明

生共孟及趙夙夙生成季衰衰生宣孟皆左傳云衰趙夙弟而此云共孟生衰譙周亦以此爲誤

趙衰卜

事晉獻公及諸公子莫吉卜事公子重耳吉即
事重耳重耳以驪姬之亂亡奔翟趙衰從翟伐
唐咎如得二女翟以其少女妻重耳長女妻趙
衰而生盾初重耳在晉時趙衰妻亦生趙同趙
括趙嬰齊趙衰從重耳出亡凡十九年得反國
重耳爲晉文公趙衰爲原大夫居原任國政索隱
曰系本云成季徙原宋忠云今鴈門原平縣也。正義曰括地志云原平故城漢原平縣也在代州崞縣南三十五里崞音郭按宋忠說非也括地志云故原城在懷州濟原縣西北二里左傳云襄王以原賜晉文公原不服文公伐原以示信原降以趙衰爲原大夫即此也原本周畿內邑也文公所以反國及霸多趙
衰計策語在晉事中趙衰旣反晉晉之妻固要

迎翟妻而以其子盾爲適嗣晉妻三子皆下事
之晉襄公之六年而趙衰卒謚爲成季趙盾伐
成季任國政二年而晉襄公卒太子夷臯年少
盾爲國多難欲立襄公弟雍雍時在秦使使迎
之太子母日夜啼泣

索隱曰
穆嬴也

頓首謂趙盾曰先君

何罪釋其適子而更求君趙盾患之恐其宗與

大夫襲誅之廼遂立太子是爲靈公發兵距所

迎襄公弟於秦者靈公旣立趙盾益專國政靈
公立十四年益驕趙盾驟諫靈公弗聽及食熊
蹯膈不熟殺宰人持其尸出趙盾見之靈公由

此懼欲殺盾盾素仁愛人嘗所食桑下餓人反
扞救盾盾以得亡未出境而趙穿弑靈公而立
襄公弟黑臀是爲成公趙盾復反任國政君子
譏盾爲正卿亡不出境反不討賊故太史書曰
趙盾弑其君晉景公時索隱曰成公之子名據而趙盾卒謚
爲宣孟子朔嗣趙朔晉景公之三年朔爲晉將
下軍救鄭與楚莊王戰河上朔娶晉成公姊爲
夫人晉景公之三年大夫屠岸賈欲誅趙氏徐廣
曰按年表救鄭及誅滅皆景公三年初趙盾在時夢見叔帶持要而
哭甚悲已而笑拊手且歌盾卜之兆絕而後好

趙史援占之曰此夢甚惡非君之身乃君之子然亦君之咎至孫趙將世益衰屠岸賈者始有寵於靈公及至於景公而賈爲司寇將作難乃治靈公之賊以致趙盾徧告諸將曰盾雖不知猶爲賊首以臣弑君子孫在朝何以懲臯請誅之韓厥曰靈公遇賊趙盾在外吾先君以爲無罪故不誅今諸君將誅其後是非先君之意而今妄誅妄誅謂之亂臣有大事而君不聞是無君也屠岸賈不聽韓厥告趙朔趣亡朔不肯曰子必不絕趙祀朔死不恨韓厥許諾稱疾不出

賈不請而擅與諸將攻趙氏於下宮殺趙朔趙同趙括趙嬰齊皆滅其族趙朔妻成公姊有遺腹走公宮匿趙朔客曰公孫杵曰杵曰謂朔友人程嬰曰胡不死程嬰曰朔之婦有遺腹若幸而男吾奉之即女也吾徐死耳居無何而朔婦免身生男屠岸賈聞之索於宮中夫人置兒絝中祝曰趙宗滅乎若號即不滅若無聲及索兒竟無聲已脫程嬰謂公孫杵曰曰今一索不得後必且復索之奈何公孫杵曰曰立孤與死孰難程嬰曰死易立孤難耳公孫杵曰曰趙氏先

君遇子厚子彊爲其難者吾爲其易者請先死

乃二人謀取他人嬰兒負之衣以文葆

徐廣曰小兒被曰葆

匿山中程嬰出謬謂諸將軍曰嬰不肖不能立
趙孤誰能與我千金吾告趙氏孤處諸將皆喜
許之發師隨程嬰攻公孫杵臼杵臼謬曰小人
哉程嬰昔下宮之難不能死與我謀匿趙氏孤
兒今又賣我縱不能立而忍賣之手抱兒呼曰
天乎天乎趙氏孤兒何罪請活之獨殺杵臼可
也諸將不許遂殺杵臼與孤兒諸將以爲趙氏
孤兒良已死皆喜然趙氏真孤乃反在程嬰卒

與俱匿山中居十五年晉景公疾卜之大業之
後不遂者爲祟景公問韓厥厥知趙孤在乃曰
大業之後在晉絕祀者其趙氏乎夫自中衍者
皆嬴姓也中衍人面鳥喙降佐殷帝大戊及周
天子皆有明德下及幽厲無道而叔帶去周適
晉事先君文侯至于成公世有立功未嘗絕祀
今吾君獨滅趙宗國人哀之故見龜策唯君圖
之景公問趙尚有後子孫乎韓厥具以實告於
是景公乃與韓厥謀立趙孤兒召而匿之宮中
諸將入問疾景公因韓厥之衆以脅諸將而見

趙孤趙孤名曰武諸將不得已乃曰昔下宮之
難屠岸賈爲之矯以君命并命羣臣非然孰敢
作難微君之疾羣臣固且請立趙後今君有命
羣臣之願也於是召趙武程嬰徧拜諸將遂反
與程嬰趙武攻屠岸賈滅其族復與趙武田邑
如故

徐廣曰推次晉復與趙武田邑是景公之十七年也而乃是春秋成公八年經書晉殺其大夫趙同趙括

左傳於此說立趙武事者註云然說之耳非此年也

及趙武冠爲成人程嬰乃

辭諸大夫謂趙武曰昔下宮之難皆能死我非
不能死我思立趙氏之後今趙武旣立爲成人
復故位我將下報趙宣孟與公孫杵臼趙武啼

泣頓首固請曰武願苦筋骨以報子至死而子
忍去我死乎程嬰曰不可彼以我爲能成事故
先我死今我不報是以我事爲不成遂自殺趙
武服齊衰三年爲之祭邑春秋祠之世世勿絕
新序曰程嬰公孫杵臼可謂信友厚士矣嬰之自殺下報亦
過矣○正義曰今河東趙氏祠先人猶別舒一座祭二士矣
趙氏復位十一年而晉厲公殺其大夫三卻欒
書畏及乃遂弑其君厲公更立襄公曾孫周徐廣
曰年表云襄公孫也○索隱曰晉系家云襄公少子名周是爲悼公晉由此大夫
稍彊趙武續趙宗二十七年晉平公立平公十
二年而趙武爲正卿十三年吳延陵季子使於

晉曰晉國之政卒歸於趙武子韓宣子魏獻子

之後矣趙武死謚爲文子文子生景叔

索隱曰系本云景叔

成景叔之時齊景公使晏嬰於晉

徐廣曰平公晏之十九年

嬰與晉叔向語嬰曰齊之政後卒歸田氏叔向

亦曰晉國之政將歸六卿六卿侈矣而吾君不

能恤也趙景叔卒生趙鞅是爲簡子趙簡子在

位晉頃公之九年簡子將合諸侯戍于周其明

年入周敬王于周辟弟子朝之故也晉頃公之

十二年六卿以法誅公族祁氏羊舌氏分其邑

爲十縣六卿各令其族爲之大夫晉公室由此

益弱後十三年魯賊臣陽虎來奔趙簡子受賂

厚遇之趙簡子疾五日不知人大夫皆懼醫扁

鵲視之出董安于問韋昭曰安于簡子家臣扁鵲曰血脉治

也而何怪在昔秦繆公嘗如此七日而寤寤之

日告公孫支與子輿索隱曰二子秦大夫公孫支子蔡曰我之帝所

甚樂吾所以久者適有學也帝告我晉國將大

亂五世不安其後將霸未老而死霸者之子且

令而國男女無別公孫支書而藏之索隱曰藏一作籍籍錄也

謂當時即記錄書之於籍也秦讖於是出矣獻公之亂文公之

霸而襄公敗秦師於殽而歸縱淫此子之所聞

趙世家

今主君之疾與之同不出三日疾必間間必有
言也居二日半簡子寤語大夫曰我之帝所甚
樂與百神游於鈞天廣樂九奏萬舞不類三代
之樂其聲動人心有一熊欲來援我帝命我射
之中熊熊死又有一熊來我又射之中熊熊死
帝甚喜賜我二笥皆有副吾見兒在帝側帝屬
我一翟犬曰及而子之壯也以賜之帝告我晉
國且世衰七世而亡

正義曰謂晉定公出公哀公幽公
烈公孝公靜公爲七世靜公二年

爲三晉所滅據此及年表
簡公子疾在定公十一年

嬴姓將大敗周人於范魁

之西

正義曰嬴趙姓也周人謂衛也晉亡之後趙成侯
三年取衛都鄩七十三是也賈逵云川阜曰魁也

亦不能有也

索隱曰范魁地名不知所在蓋趙地也

今余思虞舜之勲

適余將以其胄女孟姚配而七世之孫

索隱曰即姓嬴吳廣

之女姚姓孟字也七代孫武靈王也

董安于受言而書藏之以扁鵲

言告簡子簡子賜扁鵲田四萬畝他日簡子出

有人當道辟之不去從者怒將刃之當道者曰

吾欲有謁於主君從者以聞簡子召之曰譖吾

有所見子晰也

索隱曰簡子見當道者乃寤曰嘻是故吾前夢所見者知其名曰子晰也

當

道者曰屏左右願有謁簡子屏人當道者曰主

君之疾臣在帝側簡子曰然有之子之見我我

何爲當道者曰帝令主君射熊與羆皆死簡子

曰是且何也當道者曰晉國且有天難主君首

之帝令主君滅二卿夫熊與罷皆其祖也

正義曰范氏中

行氏之祖也

簡子曰帝賜我二笥皆有副何也

正義曰謂皆子姓

也

當道者曰主君之子將克二國於翟皆子姓

也

正義曰謂代及智氏也

簡子曰吾見兒在帝側帝屬我一

翟犬曰及而子之長以賜之夫兒何謂以賜翟

犬當道者曰兒主君之子也翟犬者代之先也

主君之子且必有代及主君之後嗣且有華政

而胡服

正義曰今時服也廢除裘裳也

并二國於翟

正義曰武靈王略中山地至寧

葭西略胡地至樓煩橋中是也

簡子問其姓而延之以官當道者

曰臣野人致帝命耳遂不見簡子書藏之府異
日姑布子卿見簡子

司馬彪曰姑布姓子卿字

簡子徧召諸子

相之子卿曰無爲將軍者簡子曰趙氏其滅乎
子卿曰吾嘗見一子於路殆君之子也簡子召
子母卹母卹至則子卿起曰此真將軍矣簡子
曰此其母賤翟婢也奚道貴哉子卿曰天所授
雖賤必貴自是之後簡子盡召諸子與語母卹
最賢簡子乃告諸子曰吾藏寶符於常山上先
得者賞諸子馳之常山上求無所得母卹還曰
已得符矣簡子曰奏之母卹曰從常山上臨代

代可取也

正義曰地道記云恒山在上曲陽縣西北百四十里北行四百五十里得恒山岵号飛狐口北

則代郡也

簡子於是知母卹果賢乃廢太子伯魯而

以母卹爲太子後二年晉定公之十四年范中

行作亂明年春簡子謂邯鄲大夫午曰歸我衛

士五百家吾將置之晉陽

服虔曰往年趙鞅圍衛衛人恐懼故貢五百家鞅置

之邯鄲又欲更徙於晉陽

午許諾歸而其父兄不聽

服虔曰午之諸父兄及邯

鄲中長老

倍言趙鞅捕午囚之晉陽乃告邯鄲人曰

我私有誅午也諸君欲誰立

杜預曰午趙鞅同族別封邯鄲故使邯鄲人更

立午宗親也

遂殺午趙稷涉賔以邯鄲反

服虔曰稷午子

晉

君使籍秦圍邯鄲

左傳曰籍秦此時爲上軍司馬○索隱曰系本籍秦晉大夫籍游之孫籍

談之荀寅范吉射與午善

左傳曰午荀寅之甥荀寅范吉射之姻○索隱曰系

本云晉大夫逝邀生桓伯林父林父生宣伯夷夷生獻伯偃偃生穆伯吳吳生寅本姓荀自荀偃將中軍晉改中軍曰中行因氏焉元與智氏同祖逝教故智氏亦稱荀范氏晉大夫獻叔之子士蔦之後蔦生成伯缺缺生武子會會生文叔燮燮生宣叔句句生獻子鞅鞅生吉射也不肯助秦而謀作亂董安于

知之十月范中行氏

正義曰按會食邑於范因為范氏又中行寅本姓荀自荀偃將中軍

為中行因号中行氏元與智氏因承襲逝教姓荀氏伐趙鞅鞅奔晉陽晉人圍之范吉射荀寅仇人魏襄等謀逐荀寅以梁嬰

父代之

賈逵曰梁嬰父晉大夫也

逐吉射以范臯繹代之

服虔曰范氏之

側室

荀躒言於晉侯曰

服虔曰荀躒智文子○索隱曰系本云逝邀生莊子首首

生武子瑩瑩生莊子朔朔生悼子盈盈生文子櫟櫟生宣子申申生智伯瑤

君命大臣始亂

者死今三臣始亂

賈逵曰范中行趙也

而獨逐鞅用刑不均

請皆逐之十一月荀躒韓不佞魏哆奉公命以

伐范中行氏

索隱曰不佞韓簡子哆魏簡子系本各取也

不克范中行氏

反伐公公擊之范中行敗走丁未二子奔朝歌

索隱曰范吉射荀寅也

韓魏以趙氏爲請

服虔曰以其罪輕於荀范也。正義曰按趙鞅

被范中行伐乃奔晉陽以其罪輕故韓魏爲請晉君而得入絳

十二月辛未趙鞅入

絳盟于公宮其明年知伯文子謂趙鞅曰范中

行雖信爲亂安于發之是安于與謀也晉國有

法始亂者死夫二子已伏罪而安于獨在趙鞅

患之安于曰臣死趙氏定晉國寧吾死晚矣遂

自殺趙氏以告知伯然後趙氏寧孔子聞趙簡子不請晉君而執邯鄲午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請梟簡子曰大夫無罪吾聞千羊之皮不如一狐之腋諸大夫朝徒聞唯唯不聞周舍之鄂鄂是以憂也

韓詩外傳

曰周舍立於門下三日三夜簡子使問之曰子欲見寡人何事對曰願為鄂鄂之臣墨筆操牘從君之過而日有記月有成效也

簡子由此能附趙邑而懷晉人晉定公

十八年趙簡子圍范中行于朝歌中行文子奔

邯鄲

索隱曰荀寅也

明年衛靈公卒簡子與陽虎送衛

太子蒯聵于衛衛不內居戚

正義曰括地志云故戚城在相州澶水縣東三十里杜預云戚衛邑在頓丘縣西有戚城是也

晉定公二十一年簡子拔邯鄲中行文子奔栢人簡子又圍栢人

中行文子

范昭子遂奔齊

索隱曰吉射也

趙竟有邯鄲栢人范中行餘邑入于晉趙名晉卿實專晉權奉邑侔於

諸侯晉定公三十年定公與吳王夫差爭長於黃池趙簡子從晉定公卒長吳定公三十七年

卒而簡子除三年之喪期而已是歲越王勾踐滅吳晉出公十一年知伯伐鄭趙簡子疾使太

子母卹將而圍鄭知伯醉以酒灌擊母卹母卹

子母卹將而圍鄭知伯醉以酒灌擊母卹母卹

子母卹將而圍鄭知伯醉以酒灌擊母卹母卹

子母卹將而圍鄭知伯醉以酒灌擊母卹母卹

子母卹將而圍鄭知伯醉以酒灌擊母卹母卹

羣臣請死之母卹曰君所以置母卹爲能忍詢

然亦愠知伯知伯歸因謂簡子使廢母卹簡子

不聽母卹由此怨知伯晉出公十七年簡子卒

張華曰趙簡子冢在臨水界二冢併上氣成樓閣太子母卹代立是爲襄子

趙襄子元年越圍吳正義曰年表及趙世家云左傳越滅吳在簡子三十五年已在襄子

元年前十五年矣何得更有越圍吳之事從此襄子降喪

此下至問吳王是三十年事文脫誤在此耳

食使楚隆問吳王正義曰左傳云哀公二十年簡子死襄子嗣立以越圍吳故降父之祭饌

而使楚隆慰問王爲哀公十三年簡子在黃池之役與吳王質言曰好惡同之故滅祭饌及問吳王也而趙世家及六國年表云此年晉定公卒簡子除三年之喪服暮而襄子姊

已按簡子死及使吳年月皆誤與左傳文不同

前爲代王夫人簡子旣葬未除服北登夏屋徐廣

曰山在廣武。正義曰：括地志云：夏屋山一名賈屋山，今各賈母山在代州鴈門縣東北三十五里。夏屋與句注山相接。

蓋北方之險，亦天下之請代王使厨人操銅料。正義曰：阻路所以分別內外也。

作料其形方有柄取也。以食代王及從者行斟陰令宰

人各徐廣曰一作維以料擊殺代王及從官，遂興兵平

代地。其姊聞之，泣而呼天，摩笄自殺。代人憐之，

所死地名之爲摩笄之山。正義曰：笄，今簪也。括地志云：摩笄山一名磨笄山，亦

名爲山在蔚州飛狐縣東北百五十里。魏土地記云：代郡東南二十五里有馬頭山。趙襄子既殺代王，使人迎其婦。代王

夫人曰：以弟慢夫，非仁也。以夫怨弟，非義也。磨笄，自殺而死。使者亦自殺也。遂以代封伯魯。

子周爲代成君。伯魯者，襄子兄故太子太子蚤

死，故封其子襄子。立四年，知伯與趙、韓、魏盡分

死，故封其子襄子。立四年，知伯與趙、韓、魏盡分

其范中行故地晉出公怒告齊魯欲以伐四卿

四卿恐遂共攻出公出公奔齊道死知伯乃立

昭公會孫驕是為晉懿公索隱曰或作哀公其大父名雍即昭公少子號戴子

也知伯益驕請地韓魏韓魏與之請地趙趙不

與以其圍鄭之辱知伯怒遂率韓魏攻趙趙襄

子懼乃奔保晉陽原過從後至於王澤正義曰括地志云王

澤在絳州正平縣南七里也見三人自帶以上可見自帶以下

不可見與原過竹二節莫通曰為我以是遺趙

毋卹原過既至以告襄子襄子齊三日親自剖

竹有朱書曰趙毋卹余霍泰山徐廣曰在河東永安縣山陽

侯天使也三月丙戌余將使女反滅知氏女亦

立我百邑余將賜女林胡之地至于後世且有

伉王亦黑龍面而鳥喙鬚麋髭頤大膺大胷脩

下而馮左袵界與徐廣曰脩或作隨界一作介奄有河宗正義曰穆天子

傳云河宗之子孫則栢絮按蓋在龍門河之上流嵐勝二州之地也至于休溷諸貉正義曰音

陷自河宗休溷諸貉乃戎狄之地也南伐晉別正義曰趙南伐晉之別邑謂韓魏之邑也北

滅黑姑正義曰亦我國襄子再拜受三神之令三國攻

晉陽歲餘引汾水灌其城城不浸者三版正義曰何休云

八尺城中懸釜而炊易子而食羣臣皆有外心

禮益慢唯高共徐廣曰一作赫不敢失禮襄子懼乃夜

使相張孟同私於韓魏

索隱曰戰國策作張孟談談者史遷之父名遷例改爲同

韓魏與合謀以三月丙戌三國反滅知氏共分

其地於是襄子行賞高共爲上張孟同曰晉陽

之難唯共無功襄子曰方晉陽急羣臣皆懈惟

共不敢失人臣禮是以先之於是趙北有代南

并知氏彊於韓魏遂祠三神於百邑使原過主

霍泰山祠祀

正義曰括地志云三神祀今名原過祠今在霍山側也

其後娶空

同氏

正義曰括地志云空峒山在肅州福祿縣東南六十里古西戎地又原州平高縣西百里亦有空峒山即

黃帝問廣成子道處俱是西戎地未知孰是

生五子襄子爲伯魯之不立

也不肯立子且必欲傳位與伯魯子代成君成

君先死乃取代成君子浣立為太子

索隱曰代成君名周伯魯

之子系本云代成君子起即襄子之子不云伯魯非也

襄子立三十三年卒浣

立是為獻侯獻侯少即位治中牟

地理志曰河南中牟縣趙獻侯

自耿徙此瓚曰中牟在春秋之時是鄭之疆內也及三卿分晉則在魏之邦土也趙界自漳水以北不及此春秋傳曰衛

侯如晉過中牟按中牟非衛適晉之次也汲郡古文曰齊師伐趙東鄙圍中牟此中牟不在趙之東也按中牟當漯水之

北○索隱曰此趙中牟在河北非鄭之中牟○正義曰按五鹿在魏州元城縣東十二里鄴即相州蕩陽縣西五十八里

有牟山蓋中牟邑在此山側也

襄子弟桓子逐獻侯自立於代

曰系本云襄子子桓子與此不同

一年卒國人曰桓子立非襄子

意乃共殺其子而復迎立獻侯十年中山武公

初立

徐廣曰西周桓公之子桓公者孝王弟而定王子○索隱曰中山古鮮虞國姬姓也系本云中山武公居

顧桓公徙靈壽為趙武靈王所滅不言誰之子孫
徐廣云西周桓公之子亦無所據蓋未得其實

十三年

城平邑

地理志曰代郡有平邑縣

十五年獻侯卒子烈侯籍立

烈侯元年魏文侯伐中山使太子擊守之六年

魏韓趙皆相立為諸侯追尊獻子為獻侯烈侯

好音謂相國公仲連曰寡人有愛可以貴之乎

公仲曰富之可貴之則否烈侯曰然夫鄭歌者

槍石二人

索隱曰槍音七羊反槍與石二人名

吾賜之田人萬畝公

仲曰諾不與居一月烈侯從代來問歌者田公

仲曰求未有可者有頃烈侯復問公仲終不與

乃稱疾不朝番吾君

徐廣曰番音盤常山有番吾縣正義曰括地志云番吾故城

趙世家

在恒州房山縣東二十里番蒲古今音異耳

自代來謂公仲曰君實好善

而未知所持今公仲相趙於今四年亦有進士乎公仲曰未也番吾君曰牛畜荀欣徐越皆可公仲乃進三人及朝烈侯復問歌者田何如公仲曰方便擇其善者牛畜侍烈侯以仁義約以

王道烈侯道然

正義曰道音由古字與攸同言牛畜以仁義約以王道故止歌者田攸攸氣行

兒寬緩也

明日荀欣侍以選練舉賢任官使能明日

徐越侍以節財儉用察度功德所與無不充君說烈侯使使謂相國曰歌者之田且止官牛畜

爲師荀欣爲中尉徐越爲內史

正義曰漢書百官公卿表云少府內

史周官秦因賜相國衣二襲單複具九年烈侯卒

第武公立索隱曰燕周云系本及說趙語者並無其事蓋別有所據武公十三年

卒趙復立烈侯太子章是為敬侯是歲魏文侯

卒敬侯元年武公子朝作亂不克出奔魏趙始

都邯鄲二年敗齊于靈丘地理志曰代郡有靈丘縣三年救魏

于廩丘大敗齊人四年魏敗我兔臺正義曰今趙州平義

曰兔臺剛平並在河北以侵衛五年齊魏為衛攻趙取我剛

平六年借兵於楚伐魏取棘蒲正義曰今趙州平棘縣古棘蒲邑

八年拔魏黃城杜預曰陳留外黃縣東有黃城○正義曰括地志云故黃城在魏州冠氏縣南

十里因黃溝為名按陳留外黃城非隋所別也九年伐齊齊伐燕趙救燕十

年與中山戰于房子

正義曰趙州房子縣是

十一年魏韓趙共

滅晉分其地伐中山又戰於中人

徐廣曰中山唐縣有中人亭○

正義曰括地志云中山故城一名中人亭在定州唐縣東北四十一里春秋時鮮虞國之中人邑也

十二年敬

侯卒子成侯種立成侯元年公子勝與成侯爭

立爲亂二年六月雨雪三年大戊午爲相

徐廣曰戊

一作

伐衛取鄉邑七十三魏敗我蘭

正義曰地里志云屬西河郡也

四年與秦戰高安

正義曰蓋在河東

敗之五年伐齊于鄆

正義曰濮州鄆城縣是也

魏敗我懷攻鄭敗之以與韓韓與我

長子

地理志曰上黨有長子縣

六年中山築長城伐魏敗涿

澤

正義曰涿音濁徐廣云長杜有濁澤非也括地志云濁水源出蒲州解縣東北平地爾時魏都安邑韓趙伐魏豈河

南至長杜也解縣濁水近於魏都當是也

圍魏惠王七年侵齊至長城正義曰齊長城西頭在齊州平陰縣太山記云太山西北有長城緣河經太山千餘里瑯琊入海括地志云所侵處在密州南

三十里也與韓攻周八年與韓分周以爲兩徐廣曰顯王二年周

紀無此○正義曰括地志云史記周顯二年西周惠公封少子子班於瑛華爲東周其子武公爲秦所滅郭緣生述征記云瑛華縣

本周鞏伯邑九年與齊戰阿下徐廣曰戰一作會也○正義曰阿東阿也今濟州東阿縣也

十年攻衛取甄十一年秦攻魏趙救之石阿正義曰蓋在石隰

十二年秦攻魏少梁正義曰少梁故城在同州韓城縣南

趙救之十三年秦獻公使庶長國伐

魏少梁虜其太子座魏敗我澮取皮牢徐廣曰魏年表

成侯與韓

趙世家

昭侯遇上黨十四年與韓攻秦十五年助魏攻

齊十六年與韓魏分晉封晉君以端氏

徐廣曰在平陽

○正義曰端氏澤州縣也

十七年成侯與魏惠王遇葛孽

徐廣曰在馬立

年表曰十八年趙孟如齊○正義曰括地志云滑水縣在絳州翼城縣東南二十五里按皮牢當在滑之側

十九

年與齊宋會平陸

正義曰兖州縣也平陸城與即古厥國

與燕會阿

正義

曰括地志云故葛城一名依城又名西阿城在瀛州高陽縣西北五十里以徐充二水並過其西又徂經其北曲曰阿以

齊有東阿故曰西阿城地理志云瀛州屬河間趙分也按燕趙即此也

二十年魏獻榮椽

因以為檀臺

徐廣曰襄國縣有檀臺○索隱曰劉氏云榮椽蓋地名其中有高處可以為臺非也

按榮椽是良材可為椽登飾有光榮所以魏獻之故趙因用之以為檀臺○正義曰鄭玄云榮屋翼也說文云椽榱也屋

招之兩頭起者為榮也括地志云檀臺在洛州臨洛縣北二里

二十一年魏圍我邯鄲

二十二年魏惠王拔我邯鄲齊亦敗魏於桂陵

正義曰括地志云故桂城在曹州乘氏縣東北二十一里故老云此即桂陵也二十四年魏歸

我邯鄲與魏盟漳水上秦攻我蘭二十五年成

戾卒公子緤薛音與太子肅戾爭立索隱曰系本云肅戾名語緤

敗云奔韓肅戾元年奪晉君端氏徙處屯留正義

曰括地志云屯留故城在潞州長子縣東北三十里本漢屯留縣城也二年與魏惠王遇

於陰晉正義曰地里志云華陰縣魏之陰也百秦惠文王更名寧秦高帝更名華陰今屬華州

三年公子范襲邯鄲不勝而死四年朝天子六

年攻齊拔高唐七年公子刻攻魏首垣正義曰蓋在河

也北十一年秦孝公使商君伐魏虜其將公子卬

趙世家

趙伐魏十二年秦孝公卒商君死十五年起壽

陵

正義曰徐廣云在常川

魏惠王卒十六年肅侯游大陵

徐廣曰太原有大陵縣亦曰陸○正義曰括地志云大陵城在并州文水縣北十三里漢大陵縣城

出於鹿

門

正義曰并州孟縣西有白鹿泓魏出白鹿山南海蓋鹿門在北山水之側也

大戊午扣

馬

呂忱曰扣牽馬

曰耕事方急一日不作百日不食肅

侯下車謝十七年圍魏黃不克

地理志曰山陽有黃縣○正義曰黃

城在魏州前拔之却為魏今趙圍之矣

築長城

正義曰劉伯莊公蓋從雲中以北至代按趙長城從

蔚州北西至嵐州北盡趙界又疑此長城在潭水之北趙南界

十八年齊魏伐我我

決河水灌之兵去二十二年張儀相秦趙疵與

秦戰敗秦殺疵河西取我蘭離石二十三年韓

舉

徐廣曰韓將

與齊魏戰死于桑丘

地理志云泰山有桑丘縣○正義曰括地

志云桑丘城在易州遂城縣界或云在泰山非也此時齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳師各萬人

來會葬于武靈王立

索隱曰名雍

武靈王元年

徐廣曰年表云魏敗

我趙護

陽文君趙豹相梁襄王與太子嗣韓宣王

與太子倉來朝信宮

正義曰在洛州臨洛縣也

武靈王少未能

聽政博聞師三人左右司過三人及聽政先問

先王貴臣肥義加其秩國三老年八十月致其

禮三年城鄣四年與韓會于區鼠

正義曰蓋在河北

五年

娶韓女為夫人八年韓擊秦不勝而去五國相

王趙獨否曰無其實敢處其名乎令國人謂已

曰君九年與韓魏共擊秦秦敗我斬首八萬級

齊敗我觀澤

正義曰括地志云觀澤故城在魏州頓丘縣東十八里也

十年秦取

我西都及中陽

徐廣曰年表云秦取中都西陽安邑十一年秦敗我將軍英太原有中都縣西

河有中陽縣

齊破燕燕相子之爲君君反爲臣十一

年王召公子職於韓立以爲燕王

徐廣曰紀年亦云爾

使樂

池送之

燕世家子之死後燕人共立太子平是爲燕昭王無趙送公子職爲燕王之事當是趙聞燕亂遣立

職爲燕王雖使樂池送之竟不能就○索隱曰燕系家無其事蓋是疎也今此云使樂池送之必是憑舊史爲說且紀年

之書其說又同則

十三年秦拔我蘭陽將軍趙莊

正義曰本一作

楚魏王來過邯鄲十四年趙何攻

此音正婢反

魏十六年秦惠王卒主遊大陵他日王夢見劇

女鼓琴而歌詩曰美人榮榮兮顏若若之榮其母

遂曰陵召之草其華紫。正義曰若音條毛詩疏云若饒也。幽州謂之翹饒蔓似瑩豆而細葉似蒺藜而青其華細綠色

可生食味如小豆藿也。又本草經云陵若生下濕水中七八月生華紫草可以染帛煮沐頭髮即黑也。命乎

命乎曾無我羸羸母家曰言有命祿生遇其時人莫知

姓羸也言世衆名其美好曾無我好羸也重言名呼者以談說衆也。異日王飲酒樂數言

所夢想見其狀吳廣聞之因夫人而內其女娃

羸方言曰娃美也孟姚也徐廣曰古史考云內其女曰

吳有館娃之宮孟姚也娃○索隱曰孟姚吳廣女舜

之後故上文云余思虞舜之勲故命其胄女孟姚以配而七

代之孫是也然後封虞在河東太陽山西有上虞城是亦曰

吳城虞吳音相近故舜後亦孟姚甚有寵於王是爲

趙世家

惠后十七年王出九門

徐廣曰在常山。正義曰本戰國時趙邑戰國策云本有

宮室而居趙武靈王改爲九門

爲野臺

徐廣曰野一作望。正義曰括地志云野臺一名義臺在定州樂

縣西南六十三里

以望齊中山之境十八年秦武王與孟

說舉龍文赤鼎絕臚而死

徐廣曰一作絕

趙王使

代相趙固迎公子稷於燕送歸立爲秦王是爲

昭王十九年春正月大朝信宮召肥義與議天

下五日而畢王北略中山之地至於房子

正義曰趙州縣

也遂之代北至無窮西至河登黃華之上

正義曰黃華蓋

西河側之山名也

召樓緩謀曰我先王因世之變以長南

藩之地屬阻障淦之險立長城又取蘭郭狼敗

林人

正義曰即林胡也

於往而功未遂今中山在我腹

心北有燕

正義曰地理志云趙分晉北有信都中山又得郡之高陽鄭州鄉東有清河河間又得渤海郡

東平舒等七縣在河以北故言北有燕

東有胡

正義曰趙東有瀛州之東北營州之境即東胡烏九

之地服虔云東胡烏九之先後爲鮮卑也

西有林胡樓煩秦韓之邊

正義曰林

胡樓煩即嵐勝之北也嵐勝以南石州離石蘭等七國時趙邑邊也秦隔河也晉洛潞澤等州皆七國時韓地爲並趙西

境也而無彊兵之救是亡社稷奈何夫有高世之

名必有遺俗之累吾欲胡服樓緩曰善羣臣皆

不欲於是肥義侍王曰簡襄主之烈計胡程之

利爲人臣者寵有孝悌長幼順明之節通有補

民益主之業

正義曰寵貴寵也通達理也凡爲人臣有孝弟長幼順明之節制者得貴寵也有補

民益主之功業
者為達理也

此兩者臣之分也今吾欲繼襄主

之跡開於胡翟之鄉而卒世不見也

正義曰卒子律反盡也言

盡世間不見補民益主之忠臣也

為敵弱

正義曰我為胡服敵人必困弱也

用力少

而功多可以毋盡百姓之勞而序往古之勲

正義

曰序重也往古謂趙簡子襄子也

夫有高世之功者負遺俗之累

正義曰負留也言古周公孔子留衣冠禮義之俗今變為胡服是負留風俗之譴累也

有獨智之

慮者任驚民之怨

正義曰言世有獨計智之思慮者必任隱逸教慢之民怨望也

今吾

將胡服騎射以教百姓而世必議寡人奈何肥

義曰臣聞疑事無功疑行無名王既定負遺俗

之慮殆無顧天下之議矣夫論至德者不和於

俗成大功者不謀於衆昔者舜舞有苗禹袒裸
國非以養欲而樂志也務以論德而約功也愚
者闇成事智者覩未形則王何疑焉王曰吾不
疑胡服也吾恐天下笑我也狂夫之樂智者哀
焉愚者所笑賢者察焉世有順我者胡服之功
未可知也雖驅世以笑我胡地中山吾必有之
於是遂胡服矣使王緹告公子成曰寡人胡服
將以朝也亦欲叔服之家聽於親而國聽於君
古今之公行也子不反親臣不逆君兄弟之通
義也

徐廣曰兄弟一作元夷元始也夷平也

今寡人作教易服而叔

不服吾恐天下議之也制國有常利民爲本從政有經今行爲上明德先論於賤而行政先信於貴今胡服之意非以養欲而樂志也事有所止而功有所出

正義曰鄭玄云止至也爲人君止於仁爲人臣止於敬爲人子止於孝爲人父

止於慈與國人文止於信按出猶成也

事成功立然後善也今寡人恐

叔之逆從政之經以輔叔之議且寡人聞之事

利國者行無邪因貴戚者名不累故願慕公叔

之義以成胡服之功使緹謁之叔

索隱曰絕句

請服

焉公子成再拜稽首曰臣固聞王之胡服也臣不佞寢疾未能趨走以滋進也王命之臣敢對

因竭其愚忠曰臣聞中國者蓋聰明徇智之所
居也徐廣曰五帝本紀云幼而徇齊萬物財用之所聚也賢聖之
所教也仁義之所施也詩書禮樂之所用也異
敏技能之所試也遠方之所觀赴也蠻夷之所
義行也今王舍此而襲遠方之服變古之教易
古之道逆人之心而拂學者離中國故臣願王
圖之也使臣以報王曰吾固聞叔之疾也我將
自往請之王遂往之公子成家因自請之曰夫
服者所以便用也禮者所以便事也聖人觀鄉
而順宜因事而制禮所以利其民而厚其國也

夫翦髮文身錯臂左衽

索隱曰錯臂亦文身謂以丹青錯畫其臂孔衍作右臂左

衽謂右袒其臂也

甌越之民也

索隱曰劉氏云今珠崖儋耳謂之甌人是有甌越。正義曰按屬南

越故言甌越也輿地志云交趾周時爲駱越秦時曰西甌文身斷髮避龍則西甌駱又在番禺之西南越及甌駱皆芋姓

也世本云越芋姓也與楚同祖是也

黑齒雕題

劉逵曰以草染齒用白作黑鄭玄曰雕文謂刻其肌

以青丹涅之

却冠秫紬

徐廣曰戰國策作秫縫紬亦縫紬之別名也鉢者綦鍼也古字多假借故作秫

紬耳此蓋言其女功鍼縷之麤拙也又一本作鮭冠黎縹也

大吳之國也故禮服

莫同其便一也鄉異而用變事異而禮易是以

聖人果可以利其國不一其用果可以便其事

不同其禮儒者一師而俗異中國同禮而教離

況於山谷之便乎故去就之變智者不能一遠

近之服賢聖不能同窮鄉多異曲學多辨不知而不疑異於已而不非者公焉而衆求盡善也今叔之所言者俗也吾所言之者所以制俗也吾國東有河薄洛之水徐廣曰安平經縣西有漳水津名薄洛津○正義曰按安平縣屬定州也與齊中山同之正義曰爾時齊與中山相親中山趙共薄洛水故言與齊中山同之須有舟楫之備無舟楫之用自常山以至代上黨徐廣曰一以下代上黨以東東有燕東胡之境而西有樓煩秦韓之邊今無騎射之備故寡人無舟楫之用夾水居之民將何以守河薄洛之水變服騎射以備燕三胡秦韓之邊索隱曰林胡樓煩東胡是三胡也且昔者簡主不

塞晉陽以及上黨而襄主并戎取代以攘諸胡
此愚智所明也先時中山負齊之彊兵侵暴吾
地係累

正義曰上音計下力追反

吾民引水圍鄣微社稷之神

靈則鄣幾於不守也先王醜之而怨未能報也
今騎射之備近可以便上黨之形而遠可以報
中山之怨而叔順中國之俗以逆簡襄之意惡
變服之名以忘鄣事之醜非寡人之所望也公
子成再拜稽首曰臣愚不達於王之義敢道世
俗之聞臣之臯也今王將繼簡襄之意以順先
王之志臣敢不聽命乎再拜稽首乃賜胡服明

日服而朝於是始出胡服令也趙文趙造周招

徐廣曰戰國策作紹招音紹

趙俊皆諫止王母胡服如故法便

王曰先王不同俗何古之法帝王不相襲何禮

之循處戲神農教而不誅黃帝堯舜誅而不怒

及至三王隨時制法因事制禮法度制令各順

其宜衣服器械各便其用故禮也不必一道而

便國不必古聖人之興也不相襲而王夏殷之

衰也不易禮而滅然則反古未可非而循禮未

足多也且服奇者志淫則是鄒魯無奇行也

索隱曰按鄒魯好長纓是奇服也服非其志皆淫僻也而有孔門顏冉之屬豈是無奇行哉俗辟者民易

趙世家

則是吳越無秀士也

索隱曰言方俗僻處山谷而人皆改易不通大化則是吳越無秀士

何得有延州來及大夫種之屬哉

且聖人利身謂之服便事謂之

禮夫進退之節衣服之制者所以齊常民也非

所以論賢者也故齊民與俗流賢者與變俱故

諺曰以書御者不盡馬之情以古制今者不達

事之變循法之功不足以高世法古之學不足

以制今子不及也遂胡服招騎射二十年王略

中山地至寧葭

索隱曰一作蔓葭縣名在中山也

西略胡地至榆

中

正義曰勝州北河北岸也

林胡王獻馬歸使樓緩之秦仇

液之韓王賁之楚富丁之魏趙爵之齊代相趙

固主胡致其兵二十一年攻中山趙招為右軍

許鈞為左軍公子章為中軍王并將之牛翦將

車騎趙希并將胡代趙與之陘

徐廣曰一作陸又作陘或宜言趙與

之陘陘者山絕之名常山有井陘中山有苦陘上黨有關與

○正義曰與音與陘音荊陘陘山也在并州陘縣東南十八里然趙希并將代趙之兵與諸軍向井陘之側共

合軍曲

陽

徐廣曰上曲陽在常山下曲陽在鉅鹿○正義曰括地志云上曲陽故城在定州曲陽縣西五里按合軍曲陽

即上曲陽也以在常山郡也

攻取丹丘

正義曰蓋邢州丹丘縣也

華陽

正義曰括地志云北

岳有五別名一曰蘭臺府二曰列女宮三曰華陽臺四曰紫臺五曰太一宮按北岳恒山在定州恒陽縣北百四十里

鷓鴣之塞

正義曰上昌之反下先代反徐廣曰鷓鴣一作鴻鴻上故關今名汝城在定州唐縣東北六十里本晉鴻

上關城也又有鴻上水源出唐縣北葛洪山接北岳恒山與鴻上塞皆在定州然一本作鳴字誤也

王軍取

鄆石邑

徐廣曰在常山。正義曰括地志云石邑故城在恒州鹿泉縣南三十五里六國時舊邑

封龍

正義曰括地志云封龍山一名飛龍山在恒州鹿泉縣南四十五里邑因山爲名

東垣中山獻

四邑和王許之罷兵二十三年攻中山二十五

年惠后卒

索隱曰謂武靈王之后前太子章之母惠文王

年稱惠文后卒是也而下文又云吳娃死後使周紹胡服

傳王子何二十六年復攻中山攘地北至燕代

西至雲中九原二十七年五月戊申大朝於東

宮傳國立王子何以爲王王廟見禮畢出臨朝

大夫悉爲臣肥義爲相國并傳王是爲惠文王

惠文王惠后吳娃子也武靈王自號爲主父主

父欲令子主治國而身胡服將士大夫西北略胡地而欲從雲中九原直南襲秦於是詐自爲使者入秦秦昭王不知已而怪其狀甚偉非人臣之度使人逐之而主父馳已脫關矣審問之乃主父也秦人大驚主父所以入秦者欲自略地形因觀秦王之爲人也惠文王徐廣曰元年以公子勝爲相封二年主父行新地遂出代西遇樓煩王於西河而致其兵三年滅中山遷其王於膚施徐廣曰在上郡起靈壽徐廣曰在常山北地方從代道大通還歸行賞大赦置酒酺五日封長子章爲代

○正義曰今延州膚施縣也

安陽君

正義曰括地志云東安陽故城在朔州定襄縣界地理志云東安陽縣屬代郡

章素侈

心不服其第所立主父又使田不禮相章也李
兌謂肥義曰公子章彊壯而志驕黨衆而欲大
殆有私乎田不禮之爲人也忍殺而驕二人相
得必有謀陰賊起一出身微幸夫小人有欲輕
慮淺謀徒見其利而不顧其害同類相推俱入
禍門以吾觀之必不久矣子任重而勢大亂之
所始禍之所集也子必先患仁者愛萬物而智
者備禍於未形不仁不智何以爲國子奚不稱
疾毋出傳政於公子成毋爲怨府毋爲禍梯肥

義曰不可昔者主父以王屬義也曰毋變而度
毋異而慮堅守一心以歿而世義再拜受命而
籍之今畏不禮之難而忘吾籍變孰大焉進受
嚴命退而不全負孰甚焉變負之臣不容於刑
諺曰死者復生生者不愧正義曰肥義報李允云必盡傳何爲王不可懼章及吾言已在
前矣吾欲全吾言安得全吾身且夫貞臣也難
至而節見忠臣也累至而行明子則有賜而忠
我矣雖然吾有語在前者也終不敢失李允曰
諾子勉之矣吾見子已今年耳涕泣而出李允

數見公子成以備田不禮之事異日肥義謂信

期曰

索隱曰即下文高信也
正義曰上音申也

公子與田不禮甚可

憂也其於義也聲善而實惡此爲人也不子不

臣吾聞之也姦臣在朝國之殘也讒臣在中主

之蠹也此人貪而欲大內得主而外爲暴矯令

爲慢以擅一旦之命不難爲也禍且逮國今吾

憂之夜而忘寐飢而忘食盜賊出入不可不備

自今以來若有召王者必見吾面我將先以身

當之無故而王乃入信期曰善哉吾得聞此也

四年朝羣臣安陽君亦來朝主父令王聽朝而

自從旁觀窺羣臣宗室之禮見其長子章僂然也反北面爲臣詘於其弟心憐之於是乃欲分趙而王章於代計未決而輟主父及王游沙丘異宮正義曰在邢州平鄉縣東北二十里也公子章即以其徒與田不禮作亂詐以主父令召王肥義先入殺之高信即與王戰公子成與李兌自國至乃起四邑之兵入距難殺公子章及田不禮滅其黨賊而定王室公子成爲相號安平君李兌爲司寇公子章之敗往走主父主父開之索隱曰開謂開門而納之俗本亦作聞字成兌因圍主

者非也譙周及孔衍皆作閉之閉謂藏也。正義曰謂不責其反叛之罪容其入宮藏也。

成兌因圍主

父宮公子章死公子成李允謀曰以章故圍主

父即解兵吾屬夷矣乃遂圍主父令宮中人後

出者夷宮中人悉出主父欲出不得又不得食

探爵轂而食之其母遂曰轂爵子也○索隱曰生受哺者謂之轂三月餘而

餓死沙丘宮應劭曰武靈王葬代郡靈立縣○正義曰括地志云趙武靈王墓在蔚州靈立縣東三十

里應說是也主父定死乃發喪赴諸侯是時王少成

允專政畏誅故圍主父主父初以長子章爲太

子後得吳娃愛之爲不出者數歲生子何乃廢

太子章而立何爲王吳娃死愛弛憐故太子欲

兩王之猶豫未決故亂起以至父子俱死爲天

下笑豈不痛乎

徐廣曰或無此十四字

主父死惠文王立立

五年與燕鄭易

徐廣曰皆屬泳郡鄭音莫

八年城南行唐

徐廣曰在

常山○正義曰行寒庚反括地志云行唐縣屬冀州為南行唐築城

九年趙梁將與齊合

軍攻韓至魯關下

正義曰劉伯莊云蓋在南河魯陽關按汝州魯山縣古穀陽縣

及

十年秦自置為西帝十一年董叔與魏氏伐宋

得河陽於魏秦取梗陽

杜預曰太原晉陽縣南梗陽城也○索隱曰地理志云太

原榆次有梗陽鄉與杜預所據小別也○正義曰括地志云梗陽故城在并州清源縣南百二十步分晉陽縣置本漢榆次縣地春秋晉大夫祁氏邑也

十二年趙梁將攻齊十三年韓徐

為將攻齊公主死

索隱曰蓋吳姓女惠文王之妹

十四年相國樂

毅將趙秦韓魏燕攻齊取靈丘

索隱曰年表及韓魏等系家五國攻

齊在明年然此下文十五年重擊齊是此文
爲得蓋此年同伐齊耳○正義曰蔚丘縣也
正義曰括地志云中陽故縣在汾州偃城縣南十里漢中陽縣也
與秦會中陽

趙與韓魏秦共擊齊齊王敗走燕獨深入取臨
菑十六年秦復與趙數擊齊齊人患之蘇厲爲
齊遺趙王書曰臣聞古之賢君其德行非布於
海內也教順非洽於民人也祭祀時享非數常
於鬼神也甘露降時雨至年穀豐熟民不疾疫
衆人善之然而賢主圖之今足下之賢行功力非
數加於秦也怨毒積怒非素深於齊也秦趙與
國以彊徵兵於韓秦誠愛趙乎其實憎齊乎物

之甚者賢主察之秦非愛趙而憎齊也欲亡韓而吞二周故以齊餒天下恐事之不合故出兵以劫魏趙恐天下畏己也故出質以爲信恐天下亟反也故徵兵於韓以威之聲以德與國實而伐空韓

索隱曰與國趙也秦趙今爲與國秦徵兵於韓共趙伐齊以威聲和趙是以德與國也

臣

以秦計爲必出於此夫物固有勢異而患同者楚久伐而中山亡今齊久伐而韓必亡破齊王與六國分其利也亡韓秦獨擅之收二周西取祭器秦獨私之賦田計功王之獲利孰與秦多說士之計曰韓亡三川

正義曰河南之地兩川之間

魏亡晉國

正義曰河北之地安邑河內

市朝未變而禍已及矣燕盡齊之

北地去沙丘鉅鹿歛三百里

正義曰沙丘邢州也鉅鹿冀州也齊北界貝州

也歛減也言破齊滅韓之後燕之南界秦之東界相去減三百里趙國在中間也矣

韓之上黨去

邯鄲百里燕秦謀王之河山間三百里而通矣

秦之上郡

正義曰鄜延等州也

近挺關至於榆中者千五百

里秦以三郡攻王之上黨

正義曰秦上黨郡今澤潞儀沁等四州之地兼相州

之半韓摠有之至七國時趙得儀沁二州之地韓猶有潞州及澤州之半半屬趙魏沁州在羊腸坂之西儀并代三州在

勾注山之南秦以三郡攻趙之澤潞則勾注之南趙無地然秦始皇置上黨郡此言之者太史公却引前書也他皆倣此

羊腸之西

正義曰太行山坂道名南屬懷州北屬澤州

勾注之南

正義曰勾注山在代

州西北也

非王有已踰勾注斬常山而守之三百里

而通於燕代馬胡犬不東下

正義曰言秦踰勾注山斬常山而守之西北代

馬胡犬不東入趙沙州崑山之玉亦不出至趙矣郭璞云胡地野犬似狐而小

崑山之玉不出

此三寶者亦非王有已王父伐齊從彊秦攻韓

其禍必至於此願王孰慮之且齊之所以伐者

以事王也

正義曰以趙王爲事也而秦必伐之也

天下屬行以謀王也

正義曰上音燭下胡郎反言秦欲令齊稱帝與約五國共滅趙三分趙地

燕秦之約成而兵

出有日矣五國三分王之地

正義曰謂秦齊韓魏燕三分趙之地也

齊

倍五國之約而殉王之患

正義曰齊王以身從趙王之患也

西兵以

禁彊秦秦廢帝請服

正義曰言秦齊相約欲更重稱帝故言廢帝也

反高

平根柔於魏

徐廣曰紀年云魏哀王四年改陽曰河雍向曰高平根柔一作換柔一作平柔○正

義曰返還也括地志云高平故城在懷州河陽縣西四十里紀年云魏哀王改向日高平也根柔未詳兩邑魏地也反

聖分

徐廣曰一作王公聖音胡鼎反

先俞於趙

徐廣曰爾雅曰西俞鴈門是也○正義曰聖音

邢分字誤當作山字耳括地志云勾注山一名西廔山在代州鴈門縣西北四十里俞音戍郭注云西廔即鴈門山也按西先聲相近蓋廔山西廔二山之齊之事王宜爲上夜

索隱曰佼猶行也

而今乃抵臯

正義曰謂共秦伐齊也

臣恐天下後事

王者之不敢自必也願王孰計之也今王母與

天下攻齊天下必以王爲義齊抱社稷而厚事

王天下必盡重王義王以天下善秦秦暴王以

天下禁之是一世之名寵制於王也於是趙乃

輟謝秦不擊齊王與燕王遇廉頗將攻齊昔陽

正義曰括地志云昔陽故城一名陽城在并州樂平縣東春秋釋地名云昔陽肥國所都也樂平城治縣東昔陽城肥白狄別種也樂平縣城漢治縣城也取之杜預曰樂平治縣有昔陽城十七年樂毅

將趙師攻魏伯陽

正義曰括地志云伯陽故城一名邯鄲在相州鄴縣西五十五里七國

時魏邑漢邯鄲城

而秦怨趙不與已擊齊伐趙拔我兩城

十八年秦拔我石城

正義曰地理志云石城在相州林慮縣志云石城在相州林慮縣

西南九十里疑相州石城是

王冉之衛東陽決河水

正義曰括地志云東陽故

城在貝州歷亭縣界按東陽先屬衛今屬趙河歷貝州南東北流過河南岸即魏地也故言王冉之衛東陽伐魏氏也

伐魏氏大潦漳水出魏冉來相趙十九年秦

敗我二城趙與魏伯陽趙奢將攻齊麥丘取之

二十年廉頗將攻齊王與秦昭王遇西河外

徐廣

曰年表云與二十一年趙徙漳水武平西正義曰括地志云武

平亭今名渭城在瀛州文安縣北七十里按二十七年又徙漳水武平南二十二年大疫

置公子丹為太子二十三年樓昌將攻魏幾正義

曰音祈傳云伐齊幾拔之又戰國策云秦敗閼與及不能

攻魏幾按幾邑或屬齊或屬魏當在相路之間也

取十二月廉頗將攻幾取之二十四年廉頗將

攻魏房子徐廣曰屬常山拔之因城而還又攻安陽取

之二十五年燕周將攻昌徐廣曰屬齊郡。索隱曰燕周趙人為趙將。正義

曰括地志云故昌城在淄州淄川縣東北四十里也城高唐取之與魏共擊秦

秦將白起破我華陽正義曰括地志云故華陽城在鄭州管城縣南四十里司馬彪云華

陽亭在今洛州密縣是時魏韓趙聚兵於華陽西攻秦得一將軍二十六年取

東胡

正義曰今營州也

歐代地

索隱曰蓋東胡叛趙驅略代地入眾以叛故取之也

二十

七年徙漳水武平南封趙豹為平陽君

戰國策曰趙豹平陽

君惠文王母弟

河水出大潦二十八年藺相如伐齊至

平邑

正義曰括地志云平邑故城在魏州昌樂縣東北四十里也

罷城北九門大

城

正義曰恒州九門縣城

燕將成安君公孫操弑其王

徐廣曰年表云

是燕武成王元年。索隱曰樂資云其王即惠王

二十九年秦韓相攻而圍

關與

正義曰上於連反下音預括地志云關與聚落今名烏蘇城在潞州銅鞮縣西北二十里又儀州順和縣

城亦云韓關與邑二所未詳又有關與山在洛州武安縣西五十里蓋是也

趙使趙奢將擊

秦大破秦軍關與下賜號為馬服君

正義曰因馬服山為號也

虞喜志林云馬兵之首也號曰馬服者言能服馬也括地志云馬服山邯鄲縣西北十里也

三十三年

趙世家

惠文王卒太子丹立是爲孝成王孝成王元年

徐廣曰平原君相也

秦伐我拔三城趙王新立太后用事秦

急攻之趙氏求救於齊齊曰必以長安君

正義曰長安君

者以長安善故名也

爲質兵乃出

索隱曰孔衍云長安君惠文后之少子也趙亦有長安今其地闕

太后不肯大臣彊諫太后明謂左右曰復言長

安君爲質者老婦必唾其面左師觸龍言願見

太后太后盛氣而胥之入

胥猶須也穀梁傳曰胥其出也

徐趨而

坐自謝曰老臣病足曾不能疾走不得見久矣

竊自怨而恐太后體之有所苦也故願望見太

后太后曰老婦恃輦而行

索隱曰束皙云趙惠文王太子何者吳廣之甥姓贏之

子也如系家計之則武靈王十六年夢吳娃而納之至二十七年王薨及惠文王三十二年卒孝成王元年遺長安君質於齊若姓年二十八王宮至此在六十左側亦可曰食得稱老矣而東廣微言太后纔三十有奇者誤也

毋衰乎曰恃粥耳曰老臣聞者殊不欲食乃彊步日三四里少益嗜食和於身也太后曰老婦不能太后不和之色少解左師公曰老臣賤息舒祺最少不肖而臣衰竊憐愛之願得補黑衣之缺以衛王宮昧死以聞太后曰敬諾年幾何矣對曰十五歲矣雖少願及未填溝壑而託之太后曰丈夫亦愛憐少子乎對曰甚於婦人太后笑曰婦人異其對曰老臣竊以爲媼之愛燕

后賢於長安君太后曰君過矣不若長安君之甚左師公曰父母愛子則爲之計深遠媼之送燕后也持其踵爲之泣念其遠也亦哀之矣已行非不思也祭祀則祝之曰必勿使反豈非計長久爲子孫相繼爲王也哉太后曰然左師公曰今三世以前至於趙主之子孫爲侯者其繼有在者乎曰無有曰微獨趙諸侯有在者乎曰老婦不聞也曰此其近者禍及其身遠者及其子孫豈人主之子侯則不善哉位尊而無功奉厚而無勞而挾重器多也今媼尊長安君之位

而封之以膏腴之地多與之重器而不及今令
有功於國一旦山陵崩長安君何以自託於趙
老臣以媼爲長安君之計短也故以爲愛之不
若燕后太后曰諾恣君之所使之於是爲長安
君約車百乘質於齊齊兵乃出于義聞之索隱曰子義趙之賢人曰人主之子骨肉之親也猶不能持無功
之尊無勞之奉而守金玉之重也而況於予乎
齊安平君正義曰括地志云安平城在青州臨海縣東十九里古紀之鄆邑也田單將趙
師而攻燕中陽徐廣曰一作人○正義曰燕無中陽括地志云中山故城一名中人亭在定州
唐縣東北四十一里拔之又攻韓注人正義曰邑名也括地志云注城在汝

州梁縣西十五里蓋是其地也

拔之二年惠文后卒田單爲相四

年王夢衣偏褰之衣

正義曰杜預云偏左右異色褰在中左右異故曰偏按褰衣背縫也

乘飛龍上天不至而墜見金玉之積如山明日王召筮史敢占之曰夢衣偏褰之衣者殘也乘飛龍上天不至而墜者有氣而無實也見金玉之積如山者憂也後三日韓氏上黨守馮亭使者至曰韓不能守上黨入之於秦其吏民皆安爲趙不欲爲秦有城市邑十七願再拜入之趙財王所以賜吏民王大喜召平陽君豹告之曰馮亭入城市邑十七受之何如對曰聖人其禍

無故之利王曰人懷吾德何謂無故乎對曰夫秦蠶食韓氏地中絕不令相通固自以爲坐而受上黨之地也韓氏所以不入於秦者欲嫁其禍於趙也秦服其勞而趙受其利雖彊大不能得之於小弱小弱顧能得之於彊大乎豈可謂非無故之利哉且夫秦以牛田之

徐廣曰一無此字○正義曰秦

通糧

正義曰秦從渭水漕糧東入河洛軍擊韓上黨也

蠶食上乘倍戰者

正義曰乘承證反蚕食桑葉漸進必盡也司馬法云百畝爲夫夫三爲屋屋三爲井井十爲通通十爲成成出革車一乘七十二人也上乘天下第一也倍戰力攻也韓國四戰之地軍士慣習倍於餘國

裂上國之

地

正義曰上國秦地也言韓上黨之地以列爲秦國之地其政已行趙不可與秦作難必莫受馮亭十七邑也

其政行不可與爲難必勿受也王曰今發百萬之軍而攻踰年歷歲未得一城也今以城市邑

十七幣吾國

正義曰馮亭將十七邑入趙若幣帛之見遺此大利也

此大利也

趙豹出王召平陵君與趙禹而告之對曰發百

萬之軍而攻踰歲未得一城今坐受城市邑十

七此大利不可失也王曰善乃令趙勝受地告

馮亭曰敝國使者臣勝敝國君使勝致命以萬

戶都三封太守

正義曰爾時未合言太守至漢景帝始加太守此言太衍字也

千戶

都三封縣令皆世世爲侯吏民皆益爵三級吏

民能相安皆賜之六金馮亭垂涕不見使者曰
吾不處三不義也為主守地不能死固不義一
矣入之秦不聽主令不義二矣賣主地而食之
不義三矣趙遂發兵取上黨漢書馮奉世傳曰趙封馮亭為華陵君與趙將
拈距秦戰死於長平宗族由是分散或在趙在趙者為官師將官師將子為代相及秦滅六國而馮亭之後馮無擇馮去疾馮劫皆為秦將相焉漢興馮唐即代相之子也上黨記云馮亭家在壺關城西五里廉頗將軍軍
長平正義曰拈地志云長平故城在澤州高平縣西二十一里即白起敗拈於長平處七年廉
頗免而趙拈代將秦人圍趙拈趙拈以軍降卒
四十餘萬皆阬之王悔不聽趙豹之計故有長
平之禍焉王還不聽秦秦圍邯鄲徐廣曰在九年武垣

令

徐廣曰河間有武垣縣本屬涿郡。正義曰括地志云武垣故城今瀛州城是也。

傳豹王容

蘇射率燕衆反燕地

正義曰武垣此時屬趙與燕接壤故云率燕衆反燕地也。

趙

以靈丘

正義曰括地志云靈丘薊州理縣也。

封楚相春申君八年平

原君如楚請救還楚來救及魏公子無忌亦來

救

正義曰魏公子傳云趙王以鄔爲公子湯沐邑年表云九年公子無忌救邯鄲圍在九年其文錯誤耳。

秦

圍邯鄲乃解十年燕攻昌壯

徐廣曰一作社。正義曰壯字誤當作城括地

志云昌城故城在冀州信都縣西北五里此時屬趙故攻之也。

五月拔之趙將樂乘慶

舍攻秦信梁軍破之

徐廣曰年表云新中軍也。索隱曰信梁秦將也。正義曰信梁蓋

王儼号也秦本紀云昭襄王五十年王儼從唐拔寧新中軍新中更名安陽今相州理縣也年表云韓魏楚救趙新中軍

秦兵罷是也。

太子死

徐廣曰是年周赧王卒或者太子云天子乎。索隱曰趙太子也史失名。

而

秦攻西周拔之徒父祺出

索隱曰徒父趙大夫名祺。正義曰趙見秦拔西周

故令徒父旗將兵出境也

十一年城元氏

地理志常山有元氏縣。正義曰元氏趙州縣也。

縣上原武陽君鄭安平死

徐廣曰故秦將降趙也。

收其地十

二年邯鄲屠燒

徐廣曰庫廩之名音膾也。索隱曰屠積芻藁之廩為火所燒也。

十四

年平原君趙勝死

索隱曰年表在十五年

十五年以尉文封

相國廉頗為信平君

索隱曰尉文蓋地名或曰尉官文名謂以尉文所食之地以封廉頗

也古文質略文省耳。正義曰尉文蓋尉州地也信平廉頗号也言篤信而平和也。

燕王今丞相

栗腹約驩以五百金為趙王酒還歸報燕王曰

趙氏壯者皆死長平其孤未壯可伐也王召昌

國君樂閒而問之對曰趙四戰之國也其民習

兵伐之不可王曰吾以衆伐寡二而伐一可乎

對曰不可王曰吾即以五而伐一可乎對曰不

可燕王大怒羣臣皆以爲可燕卒起二軍車二

千乘栗腹將而攻鄒卿秦將而攻代索隱曰二人皆燕將姓名

廉頗爲趙將破殺栗腹虜卿秦樂間正義曰三人皆燕將姓名也

十六年廉頗圍燕以樂乘爲武襄君正義曰襄舉也上也言樂

乘功最十七年假相大將武襄君攻燕圍其國十

八年延陵鈞徐廣曰代郡有延陵縣率師從相國信平君助

魏攻燕秦按我榆次徐廣曰在太原三十七城十九年

趙與燕易土索隱曰音亦謂與燕換易縣也以龍允正義曰括地志云北新城故城

在易州南遂城縣西南二十里按遂城縣西南二十五里有龍山邢子勸趙記云龍山有四麓各有一穴大如車輪春風

出東秋風出西夏風出南冬風出北不相奪倫按蓋謂龍亢也

汾門徐廣曰在北新城。正義曰括地志云易州永樂縣有徐水出廣昌嶺三源奇發同瀉一澗流至北平

縣東南壁石門中俗謂之龍門水經其間奔激南出觸石成井蓋汾字誤也遂城及臨樂徐廣曰方城有臨鄉。正義曰括地志云臨御故城在幽

永樂北新城縣地也

州同安六與燕燕以葛武陽徐廣曰葛城在高陽。正義曰括地志云故葛城又

州十七里也

名西河城在瀛州高平舒徐廣曰在代郡。正義曰括地志云平舒故城在蔚州靈丘縣

陽縣西北五十里

北九十里也

與趙二十年秦王政初立秦拔我晉陽二

十一年孝成王卒廉頗將攻繁陽徐廣曰在頓丘。正義曰括地

志云繁陽故城在相州內黃縣東北二十里應劭云繁水之北故曰繁陽也

取之使樂乘代之廉頗攻樂乘樂乘走廉頗亡入魏子偃立是

趙世家

為悼襄王悼襄王元年大備

徐廣曰一作脩。正義曰行大備之禮也。

魏欲通平邑中牟之道不成

正義曰平邑在魏州昌樂縣東北三十里相州

汾陰縣西五十八里有牟山按中牟山之側時二邑皆屬魏欲渡黃河作道相通遂不成也

二年李牧

將攻燕拔武遂方城

徐廣曰武遂屬安平。正義曰括地志云易州遂城戰國時武遂城

也方城故在幽州固安縣南十七里時二邑屬燕趙使李牧接之也

秦召春平君因而留

之泄鈞

正義曰人姓名也

為之謂文信侯曰春平君者

趙王甚愛之而郎中妬之故相與謀曰春平君

入秦秦必留之故相與謀而內之秦也今君留

之是絕趙而郎中之計中也君不如遣春平君

而留平都

正義曰輿地里志云平都縣在新興郡與陽周縣相近

春平君者

言行信於王王必厚割趙而贖平都文信侯曰

善因遣之徐廣曰年表云太子從質秦歸正義曰按太子即春平君也城韓臯三

年龐煖將攻燕禽其將劇辛四年龐煖將趙楚

魏燕之銳師攻秦最徐廣曰在新豐不拔移攻齊取饒

安徐廣曰在渤海又云饒屬北海安屬平原正義曰饒安滄州縣也七國時屬齊戰國時屬趙五年

傅抵正義曰上音付下音邱趙將姓名將居平邑慶舍將東陽正義

曰屬貝州在河北岸也河外師守河梁正義曰河外河南岸魏州地也河梁橋也六

年封長安君以饒正義曰即饒陽也瀛州饒陽縣東二十里饒陽故城漢縣也明長安縣是

也號魏與趙鄴九年趙攻燕取狸陽城正義曰按燕無狸陽疑狸

字誤當作漁陽故城在檀州密雲縣南十八里燕漁陽郡城也按趙東界至瀛州則檀州在北趙攻燕取漁陽城也兵

趙世家

未罷秦攻鄴拔之

徐廣曰今饒陽在河間又年表曰拔閑與鄴九城

悼襄王

卒子幽繆王遷立幽繆王遷元年

徐廣曰又云潛王卅本云孝成

王丹生悼襄王偃偃生今王遷年表及史考趙遷皆無謚○索隱曰徐廣云王遷無謚今唯此獨稱幽繆王者蓋秦滅趙

之後人臣竊追謚之太史公或別有所見而記也城柏人二年秦攻武城

徐廣曰年表云秦敗我平陽扈輒率師救之軍敗死焉三年秦攻

赤麗宜安

正義曰括地志云宜安故城在恒州橐城縣西南二十里也

李牧率師

與戰肥下

正義曰括地志云肥冪故城在恒州橐城縣西七里春秋時肥子國白狄別種也

却

之封牧爲武安君四年秦攻番吾

正義曰上音婆又音盤又作蒲

括地志云蒲吾城在恒州房山縣東二十里也

李牧與之戰却之五年代地

大動自樂徐以西

徐廣曰一作徐北至平陰

正義曰樂徐在晉州平陰

在汾臺屋墻垣太半壞地圻東西百三十步

正義

曰其圻溝見在亦在晉汾二州界也

六年大飢民謠言曰趙為號秦

為笑以為不信視地之生毛七年秦人攻趙趙

大將李牧將軍司馬尚將擊之李牧誅司馬尚

免趙忽及齊將顏聚代之趙忽軍破顏聚亡去

以王遷降

正義曰淮南子云趙王遷流於房陵思故鄉則為作山木之謳聞之者莫不隕涕括地志云趙

王遷墓在房州房陵縣西九里也

八年十月邯鄲為秦

淮南子曰趙王遷流於房

陵思故鄉作為山木之謳聞之者莫不流涕

太史公曰吾聞馮王孫曰趙王遷其母倡也

徐廣

曰列女傳曰邯鄲之倡

嬖於悼襄王悼襄王廢適子嘉而立

趙世家

遷遷素無行信讒故誅其良將李牧用郭開豈
不謬哉秦既虜遷趙之亡大夫共立嘉爲王王
代六歲秦進兵破嘉遂滅趙以爲郡

索隱述贊曰

趙氏之世與秦同祖周穆平徐

乃封造父帶始事晉風初有土

岸賈矯誅韓厥立武寶符臨代

卒居伯魯簡夢翟犬靈歌處女

胡服雖彊建立非所頗牧不用

王遷囚虜

趙世家第十三

史記四十三

趙世家

魏世家第十四

史記四十四

魏之先畢公高之後也畢公高與周同姓

索隱曰左傳富

說文王之子十六國有畢原豐鄒言畢公是文王之子此與周同姓似不用左氏之說馬融亦云畢毛文王庶子

武王之伐紂而高封於畢

杜預曰畢在長安縣西北正義曰括地志云畢原

在雍州萬年縣西南二十八里

於是為畢姓其後絕封為庶人或

在中國或在夷狄其苗裔曰畢萬事晉獻公獻

公之十六年趙夙為御畢萬為右以伐霍耿魏

滅之以耿封趙夙以魏封畢萬

正義曰魏城在陝州芮城縣北五里鄭玄

詩譜云魏姬姓之國武王伐紂而封焉

為大夫卜偃曰

索隱曰晉掌卜大夫郭偃也

畢萬

之後必大矣萬滿數也魏大名也以是始賞天

開之矣天子曰兆民諸侯曰萬民今命之大以
從滿數其必有衆初畢萬卜事晉遇屯之比辛
廖占之曰吉屯固比入吉孰大焉其必蕃昌畢
萬封十一年晉獻公卒四子爭更立晉亂而畢
萬之世彌大從其國名爲魏氏生武子索隱曰左
傳武子名魏武子以魏諸
子事晉公子重耳晉獻公之二十一年武子從
重耳出亡十九年反重耳立爲晉文公而令魏
武子襲魏氏之後封列爲大夫治於魏生悼子
魏悼子徙治霍索隱曰系本云武仲生莊子絳無悼子
又系本居篇曰魏武子居魏悼子徙霍

宋忠曰霍地名今河東彘縣也則是有悼子系本卿大夫代
自脫耳然魏今河北魏縣是也。正義曰晉州霍邑縣漢
縣也後漢改曰永安隋改曰霍邑本春秋時霍伯國也。

生魏絳魏絳事晉悼公

悼公三年會諸侯悼公弟楊干亂行魏絳僇辱

楊干

索隱曰左傳云僇楊干之僕

悼公怒曰合諸侯以爲榮今

辱吾弟將誅魏絳或說悼公悼公止卒任魏絳
政使和戎翟戎翟親附悼公之十一年曰自吾
用魏絳八年之中九合諸侯戎翟和子之力也

賜之樂三讓然後受之徙治安邑

正義曰安邑在絳州夏縣安邑

故城

魏絳立謚爲昭子

徐廣曰世本曰莊子。索隱曰是系本錯也居篇又曰昭子徙安

邑亦與此文同

生魏嬴嬴生魏獻子

索隱曰系本云獻子名荼茶莊子之子無魏嬴也

獻子事晉昭公昭公卒而六卿彊公室卑晉頃
公之十二年韓宣子老魏獻子爲國政晉宗室
祁氏羊舌氏相惡六卿誅之盡取其邑爲十縣
六卿各令其子爲之大夫獻子與趙簡子中行
文子范獻子並爲晉卿索隱曰簡子趙鞅文子荀寅獻子范吉射其後
十四歲而孔子相魯後四歲趙簡子以晉陽之
亂也而與韓魏共攻范中行氏魏獻子生魏侈
索隱曰侈他本亦作哆蓋哆字誤而代數錯也系本獻子生簡子取取生襄子多而左傳云魏曼多是也則侈是襄子中
間少簡子一代魏侈與趙鞅共攻范中行氏魏侈之孫曰
魏栢子索隱曰系本云襄子生栢子駒與韓康子趙襄子共伐滅

知伯

正義曰知音智括地志云故智城在蒲州虞鄉縣西北四十里古今地名云解縣有智城蓋謂此也

分

其地

索隱曰康子名虎襄子名無恤智伯知瑤也本姓荀亦曰荀瑤

栢子之孫曰文侯

都

徐廣曰出本云斯也。索隱曰系本栢子生文侯斯其傳云孺子慎是魏駒之子與此系代亦不同也

魏

文侯元年秦靈公之元年也與韓武子趙栢子

周威王同時

索隱曰系本武子名啓章康子之子栢子名嘉襄子之子

六年城少梁

十三年使子擊圍繁龐出其民十六年伐秦築

臨晉元里十七年伐中山使子擊守之趙倉唐

傳之子擊逢文侯之師田子方於朝歌引車避

下謁田子方不爲禮子擊因問曰富貴者驕人

乎且貧賤者驕人乎子方曰亦貧賤者驕人耳

夫諸侯而驕人則失其國大夫而驕人則失其

家貧賤者行不合言不用則去之楚越若脫躡

然奈何其同之哉子擊不懌而去西攻秦至鄭

而還築雒陰合陽正義曰雒陰沮水也城在水南郃陽郃水之北括地志云郃陽故城在同

州河西縣南三里雒陰在同州西北二十二年魏趙韓列爲諸侯二十

四年秦伐我至陽狐正義曰括地志云陽狐郭在魏州元城縣東北三十里也二十

五年子擊生子瑩索隱曰瑩音乙耕反擊武侯名文侯受子夏經

藝客段干木過其閭未嘗不軼也正義曰過先卧反文侯軼干木

閭也皇甫謐高士傳云木晉人也守道不仕魏文侯欲見造其門干木踰牆避之文侯以客禮待之出過其閭而軼其僕

曰君何軼曰段干木賢者也不趣勢利懷君子之道隱處窮巷聲馳千里吾安得勿軼干木先乎德寡人先乎勢干木富

平義寡人富乎財勢不若德貴財不若義高又請爲相不肯
後卑已固請見與語文侯立倦不取息淮南子云段干木晉
之大駟而爲文侯師呂氏春秋云魏文侯見段干木立倦而
不敢息及見翟璜踞於堂而與之言翟璜不悅文侯曰段干
木官之則不肯祿之則不受人丁汝欲官則相至
欲祿則上卿至既受吾賞又責吾禮無乃難乎秦嘗欲伐

魏或曰魏君賢人是禮國人稱仁上下和合未

可圖也文侯由此得譽於諸侯任西門豹守鄴

而河內稱治索隱曰大河在鄴東故名鄴爲河內。正義曰古帝王之都多在河東河北故呼河北爲

河內河南爲河外又云河從龍門南至華陰東至衛州即東北入海曲繞冀州故言河內云也魏文侯謂

李克曰先生嘗教寡人曰家貧則思良妻國亂

則思良相今所置非成則璜徐廣曰文侯弟名成二子何如

李克對曰臣聞之卑不謀尊疎不謀戚臣在闕

門之外不敢當命文侯曰先生臨事勿讓李克
曰君不察故也居視其所親富視其所與達視
其所舉窮視其所不爲貧視其所不取五者足
以定之矣何待克哉文侯曰先生就舍寡人之
相定矣李克趨而出過翟璜之家翟璜曰今者
聞君召先生而卜相果誰爲之李克曰魏成子
爲相矣翟璜忿然作色曰以耳目之所覩記臣
何負於魏成子西河之守臣之所進也君內以
鄴爲憂臣進西門豹君謀欲伐中山臣進樂羊
中山已拔無使守之臣進先生君之子無傳臣

進屈侯鮒臣何以負於魏成子李克曰且子之言克於子之君者豈將比周以求大官哉君問而置相非成則璜二子何如克對曰君不察故也居視其所親富視其所與達視其所舉窮視其所不爲貧視其所不取五者足以定之矣何待克哉是以知魏成子之爲相也且子安得與魏成子比乎魏成子以食祿千鍾什九在外什一在內是以東得卜子夏田子方段干木此三人者君皆師之子之所進五人者君皆臣之子惡得與魏成子比也翟璜遂巡再拜曰璜鄙人

也失對願卒為弟子二十六年號山崩壅河徐廣

曰在陝驕案地理志曰弘農陝縣故號國北號在太陽東號在榮陽。正義曰括地志云號山在陝州陝縣西二里臨黃

河今臨河有崗阜似是類山之餘也三十二年伐鄭城酸棗敗秦于注

司馬彪曰河南梁縣有注城也。正義曰括地志云注城在汝州梁縣西十五里注或作鑄也三十五年

齊伐取我襄陵徐廣曰今在三十六年秦侵我陰

晉徐廣曰今之華陰。索隱曰年表作齊侵陰晉秦本紀云惠王六年魏納陰晉更名曰寧秦徐氏云今之華陰也

三十八年伐秦敗我武下正義曰括地志云故武城一名武之平城在華州鄭

縣東十三里得其將識索隱曰識將名也武下魏地是歲文侯卒索隱曰紀年云

五十子擊立是為武侯武侯元年趙敬侯初

立索隱曰紀年云魏武侯元年當趙烈侯之十四年不同也又系本敬侯名章八子朔為亂不

勝奔魏與魏龍襄邯鄲魏敗而去二年城安邑王

垣徐廣曰垣縣有王屋山也。索隱曰紀年十一年城洛陽及安邑王垣徐廣云垣縣有王屋山故曰王垣。正義曰

括地志云故城漢垣縣本魏王垣也在絳州垣縣西北二十里也七年伐齊至桑丘正義

曰年表云齊伐燕取桑丘故魏救燕伐齊至桑丘也括地志云桑丘故城俗名敬城在易州遂城縣界也九年

翟敗我于澮索隱曰澮音古外反于澮於澮水之側。正義曰括地志云澮高山又云澮山在絳州翼

城縣東北二十五里澮水出此山也使吳起伐齊至靈丘正義曰靈丘蔚

故三晉伐之也齊威王初立索隱曰按紀年齊幽公之十八年而威王立十一年與

韓趙三分晉地滅其後十二年秦獻公縣櫟陽

十五年敗趙北正義曰在石州趙之西北屬趙故云趙北十六年伐

楚取魯陽正義曰今汝州魯山縣也武侯卒索隱曰紀年云武侯二十六年卒子瑩

立是為惠王惠王元年初武侯卒也子瑩與公

中緩

正義曰中音仲

爭為太子公孫頎自宋入趙

索隱曰頎音祁紀年

云武侯元年封公子緩趙侯種韓懿侯伐我取蔡而惠成王伐趙圍濁陽七年公子緩如邯鄲以作難是說此事也自

趙入韓謂韓懿侯曰

索隱曰懿侯哀侯之子

魏瑩與公中緩

爭為太子君亦聞之乎今魏瑩得王錯

徐廣曰汲冢紀年惠

王二年魏大夫挾上黨固半國也因而除之

徐廣曰除一作

倍。正義曰按除除魏瑩及王錯也

破魏必矣不可失也懿侯說乃與

趙成侯合軍并兵以伐魏戰于濁澤

徐廣曰長社有濁澤。索

隱曰系本云成侯名種

魏氏大敗魏君為趙謂韓曰除魏君

立公中緩割地而退我且利韓曰不可殺魏君

人必曰暴割地而退人必曰貪不如兩分之魏
分爲兩不彊於宋衛則我終無魏之患矣趙不
聽韓不說以其少卒夜去惠王之所以身不死
國不分者二家謀不和也若從一家之謀則魏
必分矣故曰君終無適子其國可破也

索隱曰此蓋古人之

言及俗說故云故曰

二年魏敗韓于馬陵敗趙于懷三年齊

敗我觀

徐廣曰齊世家云獻觀以和齊年表曰伐魏取觀今之衛縣也。索隱曰田完系家云敗魏於濁澤

而圍惠王惠王請獻觀以和解。正義曰觀音館魏州觀城縣古之觀國國語云觀國夏故曰子太康第五弟之所封也夏

衰滅之矣五年與韓會宅陽城

正義曰括地志云宅陽故城一名北宅在鄭州滎陽縣東

南十七里也

武堵爲秦所敗

徐廣曰秦年表曰敗韓魏洛陰

六年伐取宋

儀臺

徐廣曰一作義臺。索隱曰表亦作義臺然義臺見莊子司馬彪亦曰臺名郭象云義臺靈臺也

九

年伐敗韓于澮與秦戰少梁虜我將公孫座

徐廣

曰年表云虜我太子也

取龐秦獻公卒子孝公立十年伐取

趙皮牢彗星見十二年星晝墜有聲十四年與

趙會鄔十五年魯衛宋鄭君來朝

索隱曰紀年魯恭侯宋柏侯衛

成侯鄭釐侯來朝皆在十四年鄭釐侯者韓昭侯也韓哀侯滅鄭而徙都之遂改號曰鄭

十六年與秦

孝公會杜平侵宋黃池宋復取之十七年與秦

戰元里秦取我少梁圍趙邯鄲十八年拔邯鄲

趙請救于齊齊使田忌孫臏救趙敗魏桂陵十

九年諸侯圍我襄陵築長城塞固陽

正義曰塞先代反括地志

云櫛楊縣漢舊縣也在銀州銀城縣界按魏築長城自鄭濱洛北庭銀州至勝州固陽縣爲塞也固陽有連山東至黃河西南至夏會等州櫛音固矣

二十年歸趙邯鄲與盟漳水上

正義

曰邯鄲洛州縣也漳水名漳水源出洛州武安縣三門山也

二十一年與秦會彤趙

成侯卒

徐廣曰年表云二十七年

二十八年齊威王

卒中山君相魏

索隱曰魏文侯威中山使子擊守之後

趙所

三十年魏伐趙

正義曰孫臏傳云魏與趙攻韓韓告

使孫臏救趙敗魏桂陵乃在十八年也

趙告急齊齊宣王用孫子計救

趙擊魏魏遂大興師使龐涓將而令太子申爲

上將軍過外黃外黃徐子

劉向別錄曰徐子外黃人

括地志云故圍城有南北二城在汴州雍丘縣界本屬外黃即太子申見徐子之地也

謂太子曰臣

有百戰百勝之術太子曰可得聞乎客曰固願

效之曰太子自將攻齊大勝并莒

正義曰莒密川縣也在齊東南

言從西破齊并至莒地則齊上盡矣

則富不過有魏貴不益爲王若戰

不勝齊則萬世無魏矣此曰之百戰百勝之術

也太子曰諾請必從公之言而還矣客曰太子

雖欲還不得矣彼勸太子戰攻欲啗計者衆

正義

曰啗穿牙悅反計之入反冀功勲者衆也

太子雖欲還恐不得矣太子因

欲還其御曰將出而還與北同太子果與齊人

戰敗於馬陵

徐廣曰在元城。索隱曰按紀年云二十八年與齊田盼戰于馬陵又上二年魏敗

韓馬陵十八年趙又敗魏桂陵桂陵與馬陵異處。正義曰虞喜志林云馬陵在濮州鄆城縣東北六十里有陵間谷深

峻可以置伏按龐涓敗即此也徐說馬陵在魏州元城縣東南一里龐涓敗非此地也田完世家云宣王二年魏伐趙趙與韓親共擊魏趙不利戰於南梁韓氏請於齊齊使田忌嬰將孫子為師救趙韓已擊魏大破之馬陵按南梁在汝州又此傳云太子為上將軍過外黃又孫臏傳云魏與趙攻韓韓告急齊齊使田忌將而往直走大梁魏將龐涓聞之去韓而歸齊軍已過而西矣按孫子減竈退軍三日行至馬陵遂殺龐涓虜魏太子申大破魏軍營當如虞喜之說從汴州外黃退至濮州東北六十里是也然趙韓共擊魏戰困於南梁韓急請救於齊齊師走大梁敗魏馬陵豈合口更渡河北至魏州元城哉徐說

齊虜魏太子申殺將軍涓軍遂大破三

十一年秦趙齊共伐我

索隱曰紀年云二十九年五月齊田盼伐我東鄆九月秦衛鞅

伐我西鄆十月邯鄲伐我北鄆王攻衛鞅我師敗績是也然言二十九年不同

秦將商君詐我

將軍公子卬而襲奪其軍破之秦用商君東地

至河而齊趙數破我安邑近秦於是徙治大梁

徐廣曰今浚儀駟案汲冢紀年曰梁惠成王九年四月甲寅徙都大梁也。索隱曰紀年以爲惠王九年蓋誤也。正義曰陳留風俗傳云魏之都也畢萬十集徙大梁按今汴州浚儀也

以公子赫爲太子三

十三年秦孝公卒商君亡秦歸魏魏怒不入三

十五年與齊宣王會平阿南

地理志沛郡有平阿縣也

惠王數

敗於軍旅卑禮厚幣以招賢者鄒衍淳于髡孟

軻皆至梁梁惠王曰寡人不佞兵三折於外太

子虜上將死國以空虛以羞先君宗廟社稷寡

人甚醜之叟不遠千里

劉熙曰叟長老之稱依皓首之言

辱幸至弊

邑之廷將何以利吾國孟軻曰君不可以言利

若是夫君欲利則大夫欲利大夫欲利則庶人

欲利上下爭利國則危矣為人君仁義而已矣

何以利為三十六年復與齊王會甄是歲惠王

卒索隱曰紀年云惠成王三十二年改元稱一年未卒也子襄王立索隱曰系本襄王名嗣襄

王元年與諸侯會徐州徐廣曰今薛縣相王也追尊父惠

王為王徐廣曰二年伐趙五年秦敗我龍賈軍四萬五千

于離陰徐廣曰在上郡。正義曰括地志云彫陰故縣在鄜州洛交縣北三十里彫陰故城是也圍我

焦曲沃正義曰括地志云故焦城在陝縣東北百步古號城中東北隅周同姓也曲沃有城在陝縣西南三

十二里按今有曲沃店也子秦河西之地正義曰自華州北至同州並魏河北之地入秦也

六年與秦會應徐廣曰潁川父城有應鄉也。正義曰應乙陵反括地志云故應城故應鄉也

在汝州魯山縣東三十里秦取我汾陰皮氏正義曰括地志云汾陰故城在蒲州汾陰縣北

九里皮氏故城在絳州龍門縣西一百八十步也徐廣曰在密縣焦魏伐楚敗之陘山

正義曰括地志云陘山在鄭州新縣西南三十里七年魏盡入上郡于秦正義

曰括地志云上郡故城在綏州上縣東南五十里秦魏之上郡地也按丹郡延綏等州北至固陽並上郡地魏築長城界

秦自華州鄭縣已北濱洛至慶州洛源縣白於山即秦降東北至勝州固陽縣東至河西上郡之地尽入於秦秦降

我蒲陽正義曰在隰州隰川縣蒲邑故城是也八年秦歸我焦曲沃十

二年楚敗我襄陵諸侯執政與秦相張儀會齧

桑徐廣曰在梁與彭城之間十三年張儀相魏魏有女子化為

丈夫秦取我曲沃正義曰絳州桐鄉縣晉曲沃邑平周正義曰十三州志云古平

周縣在汾州介休縣西五十里也十六年襄王卒子哀王立張儀復

歸秦荀勗曰和嶠云紀年起自黃帝終於魏之今王入王

魏世家

子曰襄王襄王子曰哀王惠王三十六年卒襄王立十六年卒并惠襄為五十二年今案古文惠成王立三十六年改元編一年改元後十七年卒太史公書為誤分惠成之世以為二王之年數也世本惠王生襄王而無哀王然則今王者魏襄王也。索隱曰系本襄王生昭王而無哀王蓋脫一代耳孔衍叙魏語亦有哀王而紀年說惠成王三十六年又稱後元一十七年卒此文分惠王之歷以為二王之年又有哀王九二十三年紀事其明蓋無足疑然則是紀年之作失哀王之代故分襄王之年為惠王後元

哀王元年五國共攻

秦

正義曰韓魏楚趙燕也

不勝而去二年齊敗我觀津

正義曰括地志

云觀津城在冀州棗陽縣東南二十五里本趙邑今屬蜀魏也

五年秦使樗里子伐取

我曲沃

索隱曰樗里子秦昭王弟名疾居樗里故因號焉

走犀首岸門

徐廣曰

岸亭。索隱曰犀首官名即公孫衍劉氏云河東皮氏縣有岸頭亭也。正義曰括地志云岸門在許州長社縣西北十

八里今名西武亭

六年秦求立公子政為太子

索隱曰政與魏公子也

秦會臨晉七年攻齊

徐廣曰年表云擊齊虜聲子於濮也

與秦伐燕八

年伐衛拔列城二

索隱曰紀年云八年翟章伐衛

衛君患之如耳

正義曰魏大夫姓名也

見衛君曰請罷魏兵免成陵君可乎

衛君曰先生果能孤請世世以衛事先生如耳

見成陵君曰昔者魏伐趙斷羊腸拔閼與

徐廣曰在

上黨。正義曰關於連反與音預羊腸坂道在大行山。上南口懷州北口潞州關與故城在潞州及儀州若斷羊腸拔閼

與北連恒州則趙國東西斷而爲三也

約斬趙趙分而爲二所以不亡

者魏爲從主也今衛已迫亡將西請事於秦與

其以秦驛衛不如以魏驛衛

正義曰驛音釋

衛之德魏必

終無窮成陵君曰諾如耳見魏王曰臣有謁於

衛衛故周室之別也其稱小國多寶器今國迫
於難而寶器不出者其心以爲攻衛驛衛不以
王爲主故寶器雖出必不入於王也臣竊料之
先言驛衛者必受衛者也如耳出成陵君入以
其言見魏王魏王聽其說罷其兵免成陵君終
身不見九年與秦主會臨晉張儀魏章皆歸于
魏索隱曰章爲魏將後又相秦魏相田需死楚害張儀犀首薛
公索隱曰薛公田文也楚相昭魚謂蘇代索隱曰昭魚昭奚恤也曰田需
死吾恐張儀犀首薛公有一人相魏者也代曰
然相者欲誰而君便之昭魚曰吾欲太子之自

相也

索隱曰太子即襄王也

代曰請爲君北必相之昭魚曰

奈何對曰君其爲梁王代請說君昭魚曰奈何對曰代也從楚來昭魚甚憂曰田需死吾恐張儀犀首薛公有一人相魏者也代曰梁王長主也必不相張儀張儀相必右秦而左魏犀首相必右韓而左魏薛公相必右齊而左魏梁王長主也必不便也王曰然則寡人孰相代曰莫若太子之自相太子之自相是三人者皆以太子爲非常相也皆將務以其國事魏欲得丞相璽也以魏之彊而三萬乘之國輔之魏必安矣故

曰莫若太子之自相也遂北見梁王以此告之

太子果相魏十年張儀死十一年與秦武王會

應十二年太子朝於秦秦來伐我皮氏未拔而

解十四年秦來歸武王后十六年秦拔我蒲反

陽晉封陵

索隱曰紀年作晉陽封谷。正義曰陽晉當作晉陽也。史文誤括地志云晉陽故城今名晉城

在蒲州虞鄉縣西三十五里表云魏哀王十六年秦杜陽晉陽即此城也封陵亦在蒲州按陽晉故城在曹州解在蘇秦

傳十七年與秦會臨晉秦子我蒲反十八年與

秦伐楚

徐廣曰二十年與齊王會于韓

二十一年與齊韓共敗秦

軍函谷

徐廣曰河渭絕一日

二十三年秦復予我河外及封

陵爲和哀王卒

索隱曰汲冢紀年終於哀王二十三年喪畢始稱元年也

子昭

王立

索隱曰系本昭王名邀

昭王元年秦拔我襄城二年與

秦戰我不利三年佐韓攻秦秦將白起敗我軍

伊闕二十四萬六年予秦河東地方四百里芒

矰以詐重

索隱曰言矰以智詐見重於魏

七年秦拔我城大小六

十一八年秦昭王為西帝齊湣王為東帝月餘

皆復稱王歸帝九年秦拔我新垣曲陽之城

正義

曰年表及括地志云曲陽故城在懷州濟源縣西十里新垣近曲陽未詳端的所之處也

十年齊滅宋

宋王死我湣十二年與秦趙韓燕共伐齊敗之

濟西湣王出亡燕獨入臨菑與秦王會西周

正義

曰即王城也今河南郡城也

十三年秦拔我安城

正義曰括地志云安城故城豫州汝

魏世家

陵縣東南七十一里

兵到大梁去

徐廣曰十四年大水

十八年秦拔郢楚

王徙陳十九年昭王卒子安釐王立

索隱曰系本安僖王名圉

安釐王元年秦拔我兩城二年又拔我二城軍

大梁下韓來救予秦溫以和三年秦拔我四城

斬首四萬四年秦破我及韓趙殺十五萬人走

我將芒卯魏將段干子請予秦南陽

徐廣曰以和在脩武

蘇代謂魏王曰欲璽者段干子也欲地者秦也

今王使欲地者制璽使欲璽者制地魏氏地不

盡則不知已且夫以地事秦譬猶抱薪救火薪

不盡火不滅王曰是則然也雖然事始已行不

可更矣對曰王獨不見夫博之所以貴梟者便
則食不便則止矣今王曰事始已行不可更是
何王之用智不如用梟也正義曰博頭有刻爲梟鳥
形者擲得梟者合食其子
若不便則九年秦拔我懷十年秦太子外質於魏
爲餘行也死十一年秦拔我鄴立徐廣曰鄴一作廩立又作邢立
鄴立今爲宋公縣○索隱曰鄴
七系反又音妻○正義曰鄴七私反又音妻地里志云汝南
郡新鄴縣應劭曰秦伐魏取鄴立漢興爲新鄴章帝封般後
更名秦昭王謂左右曰今時韓魏與始孰彊對
宋也曰不如始彊王曰今時如耳魏齊與孟嘗芒矧
孰賢對曰不如王曰以孟嘗芒矧之賢率彊韓
魏以攻秦猶無奈寡人何也今以無能之如耳

魏齊而率弱韓魏以伐秦其無奈寡人何亦明

矣左右皆曰甚然中旗馮琴對曰

索隱曰戰國策作推琴春秋後

語作伏琴而韓子作推瑟說苑作伏瑟五文各不同

王之料天下過矣當晉六

卿之時知氏最彊滅范中行又率韓魏之兵以

圍趙襄子於晉陽決晉水以灌晉陽之城

正義曰括地志

云晉水源出并州晉陽縣西懸壑山山海經云懸壑之山晉水出焉東南流注汾水昔趙襄子保晉陽智氏防山以水灌

之不沒者三版其潰乘高西注入晉陽城以周既灌東南出城注於汾陽也

不湛者三版知

伯行水魏相子御韓康子爲參乘知伯曰吾始

不知水之可以亡人之國也乃今知之汾水可

以灌安邑

正義曰安邑在絳州夏縣本魏都汾水東北歷安邑西南入河也

絳水可以

灌平陽

正義曰平陽晉州本韓都也括地志云絳水一名白水今名弗泉源出絳山飛泉奮湧揚波注縣積

壑二十許丈望之極爲奇觀矣按引此灌平陽城也

魏相子肘韓康子韓康子

履魏相子肘足接於車上而知氏地分身死國

亡爲天下笑今秦兵雖彊不能過知氏韓魏雖

弱尚賢其在晉陽之下也此方其用肘足之時

也願王之必勿易也

索隱曰易音以豉反

於是秦王恐齊楚

相約而攻魏魏使人求救於秦冠蓋相望也而

秦救不至魏人有唐睢者年九十餘矣

索隱曰按睢字音七

余反謂魏王曰老臣請西說秦王令兵先臣出魏

王再拜遂約車而遣之唐睢到入見秦王秦王

曰丈人芒然乃遠至此甚苦矣夫魏之來求救數矣寡人知魏之急已唐睢對曰大王已知魏之急而救不發者臣竊以爲用策之臣無任矣夫魏一萬乘之國也然所以西面而事秦稱東藩受冠帶祠春秋者以秦之彊足以爲與也

曰與謂許與爲親而結和也

今齊楚之兵已合於魏郊矣而秦

救不發亦將賴其未急也使之大急彼且割地而約從王尚何救焉必待其急而救之是失一東藩之魏而彊二敵之齊楚則王何利焉於是秦昭王遽爲發兵救魏魏氏復定趙使人謂魏

王曰爲我殺范痤吾請獻七十里之地魏王曰

諾使吏捕之圍而未殺痤因上屋騎危危棟上也○索隱曰

騎音奇禮云中屋上覆危蓋昇屋以避兵也謂使者曰與其以死痤市不如

以生痤市有如痤死趙不予王地則王將奈何

故不若與先定割地然後殺痤魏王曰善痤因

上書信陵君曰痤故魏之免相也趙以地殺痤

而魏王聽之有如彊秦亦將襲趙之欲則君且

奈何信陵君言於王而出之魏王以秦救之故

欲親秦而伐韓以求故地無忌謂魏王曰秦與

戎翟同俗有虎狼之心貪戾好利無信不識禮

義德行苟有利焉不顧親戚兄弟若禽獸耳此天下之所識也非有所施厚積德也故太后母也而以憂死穰侯舅也功莫大焉而竟逐之兩弟無罪而再奪之國此於親戚若此而況於仇讎之國乎今王與秦共伐韓而益近秦患臣甚惑之而王不識則不明羣臣莫以聞則不忠今韓氏以一女子奉一弱主內有大亂外交彊秦魏之兵王以爲不亡乎韓亡秦有鄭地與大梁鄰

索隱曰戰國策亦作鄰字俗本或作鄰非

王以爲安乎王欲得故地今

負彊秦之親王以爲利乎秦非無事之國也韓

亡之後必將更事更事必就易與利就易與利

必不伐楚與趙矣是何也夫越山踰河絕韓上

黨而攻彊趙是復閼與之事索隱曰復音扶富反謂前年秦韓相攻閼與而

趙奢破秦軍也秦必不為也若道河內倍鄴朝歌絕漳金

水與趙兵決於邯鄲之郊是知伯之禍也秦又

不敢伐楚道涉山谷索隱曰道猶行也涉谷是往楚之險路從秦向楚有兩道涉谷是西

道河內行三千里正義曰劉伯莊云秦兵向楚有兩道涉谷西道河外東道從褒斜入梁州即東

南至申州攻石城山險阨之塞也而攻冥阨之塞孫檢曰楚之險塞也徐廣曰或以為今江夏鄖

縣正義曰冥音盲括地志云石城山在申州鍾山縣東南二十一里魏攻冥阨即此山上有故石城注水經云或言在

鄖指此山也呂氏春秋云九塞此其一也所行甚遠所攻甚難索隱曰攻亦作致戰國策

魏世家

見作致軍言致軍糧難也

秦又不爲也若道河外倍大梁

正義曰從河外

出函谷關歷同州南至鄭

右蔡左召陵

徐廣曰一無左字。正義曰上

蔡縣在豫州北七十里邵陵故城亦在豫州鄆城縣東四十里並在陳州西從汴州南行向陳州之西郊則上蔡邵陵之右定無左字也與楚兵決於陳郊秦又不敢故

曰秦必不伐楚與趙矣又不攻衛與齊矣

正義曰衛齊皆

在韓趙魏之東故秦不伐也

夫韓亡之後兵出之日非魏無攻

已秦固有懷茅

徐廣曰在脩武軹縣有茅亭。正義曰茅卯包反懷州武陟縣西十一里故懷

城本周邑後屬晉左傳云周與鄭人蘇忿生十二邑其一曰積茅括地志云在懷州獲嘉縣東北二十五里也獲嘉古修

武邢丘

徐廣曰在平臯。正義曰括地志云平臯故城在懷州武德縣東南二十里本邢丘邑也以其在河

之臯地也城堯津以臨河內

索隱曰戰國策云邢丘安城此少安字堯津在河北堯音九毀

反。正義曰：宛音詭，字誤當作延。括地志云：延津故俗字名臨津，故城在衛州清淇縣西南二十六里。杜預云：汲郡城南有延津是也。

河內共汲必危

徐廣曰：汲縣屬河內。索隱曰：汲亦作波波，汲皆縣名，俱屬河內。

有鄭地

徐廣曰：成臯，鄭陽亦屬鄭。

得垣雍

徐廣曰：垣雍城在卷縣，卷縣屬魏也。卷縣又有長城。

經陽武到密者也。正義曰：雍於用反。括地志云：故城在鄭州原武縣西北七里。釋例地名卷縣，理或垣城也。言韓亡之後，秦有鄭地，得垣雍城，從熒澤決溝，歷雍灌大梁，是也。

決熒澤水灌大梁，大梁必

亡。王之使者出過而惡安陵氏於秦

徐廣曰：召陵有安陵，郡征

羌有安陵亭也。正義曰：括地志云：隰陵縣西北十五里。李奇云：六國時爲安陵也。言魏王使者出向秦，云共伐韓，以成過失而更惡安陵氏於秦，今伐之重非也。

秦之欲誅之以矣。秦葉陽、昆陽

與武陽鄰

正義曰：括地志云：葉陽今許州葉縣也。昆陽故城在許州葉縣北二十五里。舞陽故城在葉縣

東十里。此時葉陽、昆陽屬秦，舞陽屬魏也。

聽使者之惡之

索隱曰：聽平聲，使去聲。

隨安

陵氏而亡之

正義曰隨猶聽也無忌說言使者惡安陵氏亦聽秦亡安陵氏然繞舞陽之北以東臨許

許必危矣秦有許地魏國可無害

繞舞陽之北以東臨許南國必危

正義曰南國今許州許昌縣南西四十里許昌故城是也此是屬韓在魏之南故言南國括地志云周時為許國武王伐紂所封地里志云潁川許縣古許國姜姓四岳之後

大叔所封二十四君為楚所滅三卿皆晉其地屬韓國無

害已夫憎韓不愛安陵氏可也夫不患秦之不

愛南國非也異日者秦在河西晉國去梁千里

徐廣曰魏國之界千里又云河南縣縣有注城。正義曰河西同州也晉國都絳州魏都安邑皆在河東去大梁有千里

也。有河山以闌之有周韓以間之從林鄉軍徐廣

曰林鄉在宛縣。索隱曰劉氏云林地名蓋春秋時鄭地之

裴林在大梁之西北徐廣云在宛縣非也。正義曰括地志云宛陵故城在鄭州新鄭縣東北三十八里本鄭舊縣也按劉徐二說是其地也以至於今秦七

攻魏五入園中

徐廣曰一作城也。索隱曰園即圃田圃田鄭數屬魏戰國策作國中。正義

曰括地志云圃田澤在鄭州管城縣東三里周礼云豫州數曰圃田也

邊城盡拔文臺墜

垂都焚

徐廣曰一云魏山都焚句陽有垂亭。索隱曰文臺臺臺名列士傳曰隱陵君施洒文臺也垂地名有

廟曰都並魏臺邑名。正義曰墮許規反括地志云文臺在曹州冤句縣西北六十五里也

林木伐槩

鹿盡而國繼以園又長驅梁北東至陶衛之郊

正義曰陶曹州定陶也衛即宋州楚丘縣衛文公都之秦兵歷取其郊也

北至平監

徐廣曰平縣屬河南

平或作乎字史記齊闕上作監字闕在東平須昌縣

所亡於秦者山南山北

正義

曰山華山也華山之東南七國時鄧州屬韓汝州屬魏華山之北同華銀綬並魏地也

河外河內

正義

曰河外謂華州以東至虢陝河內謂蒲州以東至懷衛也

大縣數十

徐廣曰一作百

名都數

百

徐廣曰一作十

秦乃在河西晉去梁千里而禍若是矣

又況於使秦無韓有鄭地無河山而闡之無周

韓而間之去大梁百里禍必由此矣異日者從

之不成也索隱曰從音足松反楚魏疑而韓不可得也今韓

受兵三年秦撓之以講識亡不聽索隱曰撓音苦孝反謂韓被秦

之兵撓擾已經三年云欲講說與韓和識猶知也戰國策云韓知亡猶不聽也投質於趙請為

天下應行頓刃楚趙必集兵皆識秦之欲無窮

也非盡云天下之國而臣海內必不休矣是故

臣願以從事王索隱曰從足松反從事謂合從事王也戰國策亦然王速受楚

趙之約趙挾韓之質索隱曰言韓以質子入趙則趙挾韓質而親韓也以存

韓而求故地韓必效之索隱曰效猶致也謂致故地於趙也。正義曰無忌令魏王速

受楚趙之從趙楚挾持韓之質以存韓而魏以求
地韓必效之勝於與秦伐韓又與秦隣之禍殃也此士民
不勞而故地得其功多於與秦共伐韓而又與
彊秦鄰之禍也夫存韓安魏而利天下此亦王
之天時已通韓上黨於共竈徐廣曰朝歌有竈鄉正義曰共衛州共城縣
竈懷州脩武縣本殷之竈邑韓詩外傳云武王伐紂勒兵於
竈故曰脩武今魏開通共竈之道使韓上黨得直路而行也
使道安成正義曰括地志云故安城在鄭州出入賦之
是魏重質韓以其上黨也今有其賦足以富國
韓必德魏愛魏重魏畏魏韓必不敢反魏是韓
則魏之縣也魏得韓以爲縣衛大梁河外必安
矣今不存韓二周安陵必危楚趙大破衛齊甚

畏天下西鄉而馳秦入朝而為臣不久矣二十

年秦圍邯鄲信陵君無已矯奪將軍晉鄙兵以

救趙正義曰括地志云魏德故城一名晉鄙城在衛縣西北五十里即公子無忌矯奪晉鄙兵故名魏德城也

趙得全無已因留趙二十六年秦昭王卒三十

年無已歸魏率五國兵攻秦敗之河內走家鰲

魏太子增質於秦秦怒欲囚魏太子增或為增

謂秦王曰索隱曰戰國策作蘇秦為公子增謂秦王公孫喜固謂魏相曰

索隱曰戰國策作公孫衍請以魏疾擊秦秦王怒必囚增魏王

又怒擊秦秦必傷今王囚增是喜之計中也故

不若貴增而合魏以疑之於齊韓秦乃止增三

十一年秦王政初立三十四年安釐王卒太子

增立是為景湣王索隱曰系本安釐王生景愍王午也信陵君無忌卒

景湣王元年秦拔我二十城以為秦東郡二年

秦拔我朝歌衛徙野王徐廣曰衛徙濮陽徙野王三年秦拔我

汲五年秦拔我垣蒲陽衍徐廣曰十二年獻城秦正義曰括地志云故垣地

本魏王垣也在絳州垣縣西北二十里蒲邑故城在隰州隰川縣南四十五里在蒲水之北故曰蒲陽衍地名在鄭州

十五年景湣王卒子王假立王假元年燕太子

丹使荊軻刺秦王秦王覺之徐廣曰二年新鄭反三年秦灌

大梁虜王假列女傳曰秦殺假遂滅魏以為郡縣

太史公曰吾適故大梁之墟墟中人曰秦之破

梁引河溝而灌大梁三月城壞王請降遂滅魏
說者皆曰魏以不用信陵君故國削弱至於亡
余以爲不然天方令秦平海內其業未成魏雖
得阿衡之佐曷益乎

索隱曰譙周云以予所聞所謂國
之云云者有賢者而不用也如用
之何有云哉使紂用三仁
周不能王况秦虎狼乎

索隱述贊曰

畢公之苗

因國爲姓

大名始賞

盈數自正

胤裔繁昌

世載忠正

楊干就戮

智氏奔命

文始建侯

武實彊盛

大梁東徙

長安北偵

知既無功
虜於秦政

印亦外聘

王假削弱

史伍阡參伯玖拾玖字

註伍阡參伯玖拾壹字

魏世家第十四

史記四十四

韓世家第十五

史記四十五

韓之先與周同姓姬氏其後苗裔事晉得封

於韓原

正義曰括地志云韓原在同州韓城縣西南八里又韓城在縣南十八里故古韓國也古今地名云

韓武子食采於

韓原地城也

索隱曰按左氏傳云邢晉應韓武子然詩

稱韓侯出祖則是有韓而先滅今據此文云其後裔事晉封

於原曰韓武子則武子本是韓侯之後晉又封之於韓原即

今之馮翊韓城是也然按系本及左傳舊說皆謂韓宣子能修武

沃相叔之子即是晉之支庶又國語叔向謂韓宣子能修武

子之德起再拜謝曰自相叔已下嘉吾子之賜亦言相叔是

韓之祖也今以韓侯之後別有相叔非關曲沃之相叔如此

則與太史公之意亦有違耳

武子後二世有韓厥

索隱曰系本云萬生賂伯賂伯生定

伯簡簡生輿

輿生獻子厥從封姓為韓氏韓厥晉景公之三年

晉司寇屠岸賈將作亂誅靈公之賊趙盾趙盾

已死矣欲誅其子趙朔韓厥止賈賈不聽厥告
趙朔令亡朔曰子必能不絕趙祀死不恨矣韓
厥許之及賈誅趙氏厥稱疾不出程嬰公孫杵
臼之藏趙孤趙武也厥知之景公十一年厥與
卻克將兵八百乘伐齊敗齊頃公子鞍正義曰音安括地志
云故鞏城今俗名馬鞏城在濟州平陰縣十里獲逢刃父於是晉作六卿而
韓厥在一卿之位號為獻子晉景公十七年病
卜大業之不遂者為崇韓厥稱趙成季之功今
後無祀以感景公景公問曰尚有世乎厥於是
言趙武而復與故趙氏田邑續趙氏祀晉悼公

之十年韓獻子老獻子卒子宣子代宣子徙居

州索隱曰宣子名起州今在河內是也。正義曰括地志云懷州武德縣本周司冠蘇忿生之州邑也晉平

公十四年吳季札使晉曰晉國之政卒歸於韓

魏趙矣晉頃公十二年韓宣子與趙魏共分祁

氏羊舌氏十縣晉定公十五年宣子與趙簡子

侵伐范中行氏宣子卒子貞子代立貞子徙居

平陽索隱曰系本作平子名頃宣子子也又云景子居平陽平陽在山西宋忠曰今河東平陽縣。正義曰平

陽晉州城是貞子卒子簡子代徐廣曰史記多無簡子莊子而云貞子生康子班氏亦同

。索隱曰按系本有簡子名不信莊子名庚趙系家亦有簡子名不佞也簡子卒子莊子代

莊子卒子康子代索隱曰康子名虎康子與趙襄子魏桓

子其敗知伯分其地地益大大於諸侯康子卒

子武子代

索隱曰武子名啓章

武子二年伐鄭殺其君幽公

十六年武子卒子景侯立

索隱曰紀年及世本皆作景子名處

景侯

慶元年伐鄭取雍丘二年鄭敗我負忝六年與

趙魏俱得列爲諸侯九年鄭圍我陽翟景侯卒

子列侯取立

索隱曰系本作武侯也

列侯三年聶政殺韓相

俠累

徐廣曰六年救魯也。索隱曰戰國策作殺韓傀高誘曰韓傀俠累也

九年秦伐我

宜陽取六邑十三年列侯卒子文侯立

索隱曰紀年無文侯

系本無列侯

是歲魏文侯卒文侯二年伐鄭取陽城伐

宋到彭城執宋君七年伐齊至桑丘鄭反晉九

年伐齊至靈丘

正義曰靈丘縣也此時屬燕也

十年文侯卒子哀

侯立哀侯元年與趙魏分晉國二年滅鄭因徙

都鄭

索隱曰紀年魏武侯二十一年韓滅鄭哀侯入于鄭曰鄭故戰國策謂韓惠王曰鄭惠王猶魏徙大梁稱梁王然也

六年韓嚴弑其君哀侯

而子懿侯立

索隱曰年表懿侯作莊侯又紀年云晉相公立若山即懿侯也則韓嚴為韓山堅也戰

懿侯二年魏敗

我馬陵

正義曰在魏州元城縣東南一里

五年與魏惠王會宅陽

正義曰在鄭州也

九年魏敗我澮

徐廣曰大雨三月也。正義曰澮古外反在陵州澮水之上也

十二年懿侯卒子昭侯立昭侯元年秦敗我西

山二年宋取我黃池

徐廣曰在平丘魏取朱六年伐東周

正義曰河南鞏縣

取陵觀邢丘八年申不害相韓脩術行

道國內以治諸侯不來侵伐十年韓姬弑其君

悼公

索隱曰姬亦作玆並音羊之反姬是韓大夫而王邵亦云不知悼公何君也

十一年昭侯

如秦二十二年申不害死二十四年秦來拔我

宜陽二十五年旱作高門屈宜曰

許慎曰屈宜曰楚大夫在魏也

曰昭侯不出此門何也不時吾所謂時者非時

日也人固有利不利時昭侯嘗利矣不作高門

往年秦拔宜陽今年旱昭侯不以此時卹民之

急而顧益奢此謂時絀舉羸

徐廣曰時衰耗而作奢侈

二十六

年高門成昭侯卒果不出此門子宣惠王立

索隱

曰紀年鄭昭侯武薨次威侯立威侯七年與邯鄲圍襄陵五月梁惠王會威侯于巫沙十月鄭宣王朝梁不見威侯之卒下敗韓舉在威侯八年而此系家即以爲宣惠王之年又上有殺悼公悼公又不知是誰之謚則韓微小國史失代系故此文及系本不同

宣惠王五年張儀相秦八年魏敗

我將韓舉

索隱曰按此則舉是韓將不疑而紀年云韓舉趙將蓋舉本趙將後入韓又紀年云其敗當韓

威王八年

十一年君號爲王與趙會區鼠十四年

秦伐敗我鄢

徐廣曰潁川鄢陵縣西北十五里有鄢陵故城是也許州鄢陵縣西北十五里有鄢陵故城是也

十六年秦敗我脩魚虜得韓將鯁申差於濁澤

徐廣曰一云鯁申差長社有濁澤。索隱曰脩魚地名鯁申差二將名鯁音瘦亦作鯁。正義曰按濁澤者蓋誤當作觀澤年表云秦惠丈王更元八年與韓戰斬首八萬韓宣惠王十六年秦敗我脩魚得將軍申差魏哀王二年齊敗我觀澤趙武靈王九年與韓魏擊秦齊昏王七年敗魏世家云濁澤定誤矣徐廣又云濁澤在長社不曉錯誤之甚括地志云觀

澤在魏州頓丘縣東十八里

韓氏急公仲謂韓王曰

索隱曰公仲韓相國名侈與

國非可恃也今秦之欲伐楚久矣王不如因張

儀爲和於秦賂以一名都具甲與之南伐楚此

以一易二之計也

索隱曰一謂名都也二謂使不伐韓而又與之伐楚也

韓王

曰善乃警言公仲之行

索隱曰警言戒也戰國策作傲亦同

將西購於秦

索隱曰戰國策作講講亦謀議與購求意通

楚王聞之大恐召陳軫告之

陳軫曰秦之欲伐楚久矣今又得韓之名都一

而具甲秦韓并兵而伐楚此秦所禱祀而求也

今已得之矣楚國必伐矣王聽臣爲之警四境

之內起師言救韓命戰車滿道路發信臣多其

車重其幣使信王之救已也縱韓不能聽我韓

必德王也

索隱曰言韓王信楚之救雖不能聽待楚救至折入於秦猶德於楚也

必不爲

鴈行以來

索隱曰言韓以楚必救已已雖隨秦來戰猶是德於王故不爲鴈行而來言不同心旅進也

秦韓不和也兵雖至楚不大病也爲能聽我絕

和於秦秦必大怒以厚怨韓韓之南交楚必輕

秦輕秦其應秦必不敬是因秦韓之兵而免楚

國之患也楚王曰善乃警四境之內興師言救

韓命戰車滿道路發信臣多其車重其幣謂韓

王曰不穀國雖小已悉發之矣願大國遂肆志

於秦不穀將以楚徇韓

索隱曰徇從死也言以死助韓

韓王聞之大

說乃止公仲之行

索隱曰止不令西之秦

公仲曰不可夫以

實伐我者秦也以虛名救我者楚也王恃楚之
虛名而輕絕彊秦之敵王必爲天下大笑且楚
韓非兄弟之國也又非素約而謀伐秦也已有
伐形因發兵言救韓此必陳軫之謀也且王已
使人報於秦矣今不行是欺秦也夫輕欺彊秦
而信楚之謀臣恐王必悔之韓王不聽遂絕於
秦秦因大怒益甲伐韓大戰楚救不至韓十九
年大破我岸門

徐廣曰潁陰有岸亭。正義曰括地志云岸門在許州長社縣西北十八里今

名西武亭矣

太子倉質於秦以和二十一年

徐廣曰周王赧之三年也

與秦共攻楚

徐廣曰圍景座也

敗楚將屈丐斬首八萬於

丹陽

索隱曰故楚都在今均州也。○正義曰左傳例云楚居丹陽今枝江縣故城是也

是歲宣

惠王卒太子倉立是為襄王

徐廣曰一云周赧王六年韓襄哀王三年張儀

死赧王九年襄哀王六年秦昭王立

襄王四年與秦武王會臨晉其

秋秦使甘茂攻我宜陽

正義曰括地志

云故韓城一名宜陽城在洛州福昌縣東十四里韓宜陽城也

斬首六萬秦武王卒六

年秦復與我武遂九年秦復取我武遂十年太

子嬰朝秦而歸

徐廣曰與秦會臨晉因至咸陽而還

十一年秦伐我取

穰

正義曰穰人羊反鄧州縣也郭仲產南雍州記云楚之別邑秦初侵楚封公子惲為穰侯後屬韓秦昭王取之也

與秦伐楚敗楚將唐昧十二年太子嬰死公子

谷公子蟣風爭爲太子時蟣風質於楚蘇代謂

韓谷曰蟣風王在楚楚王欲內之甚今楚兵十

餘萬在方城之外

索隱曰方城楚之北境之外謂北境之地也。正義曰括地志云方城山

在許州葉縣西南十八里左傳云楚大夫屈完對齊侯曰楚國方城以爲城杜注云方城山在南陽葉縣南公何

不令楚王築萬室之都雍氏之旁

徐廣曰在陽翟

志云故雍氏城在洛州陽翟縣二十里故老云黃帝臣雍父作井曰也

韓必起兵以救之

公必將矣公因以韓楚之兵奉蟣風而內之其

聽公必矣必以楚韓封公也韓谷從其計楚圍

雍氏

徐廣曰秦本紀惠王後元十三年周赧王三年楚懷王十七年齊湣王十二年皆云楚圍雍氏紀年於此

亦說楚景翠圍雍氏韓宣王卒秦助韓共敗楚屈丐又云齊宋圍煮棗皆與史記年表及田完世家符同然則此卷所云

襄王十二年韓咎從其計以上是楚後圍雍氏赧王之十五年事也又說楚圍雍氏以下是楚前圍雍氏赧王之三年事

韓求救於秦秦未為發使公孫昧入韓公仲曰

子以秦為且救韓乎對曰秦王之言曰請道南

鄭藍田

正義曰南鄭梁州縣藍田雍州縣秦王言或出雍州西南至鄭或出雍州東南歷藍田出峽關俱繞

楚北境以待韓使而東救雍氏如此遲緩近不合於楚矣出兵於楚以待公殆不

合矣

索隱曰殆不合於南鄭

公仲曰子以為果乎對曰秦王

必祖張儀之故智

徐廣曰祖者宗之習之謂也故智猶前時謀計也

楚威王

攻梁也張儀謂秦王曰與楚攻魏魏折而入於

楚韓固其與國也是孤秦也不如出兵以到之

索隱曰到欺也猶俗云張魏楚大戰秦取西河之外

以歸今其狀陽言與韓其實陰善楚公待秦而

到必輕與楚戰楚陰得秦之不用也必易與公

相支也索隱曰言楚陰知秦不為公用亦必易與公相支拒也公戰而勝楚遂

與公乘楚施三川而歸正義曰施猶設也三川周天

韓駕御於楚即於天子之都張設救韓之功行霸王之迹加威諸侯乃歸咸陽是也公戰不勝楚楚

塞三川守之正義曰楚乃塞南河四關守之韓不能救三川公不能救也竊為

公患之司馬庚徐廣曰一作唐三反於郢甘茂與昭魚徐廣

曰楚相國。索隱曰戰國策謂之昭獻也遇於商於其言收璽實類有約

也索隱曰劉氏云詐言昭魚來秦欲得秦官之印璽收即取之義也公仲恐曰然則奈

何曰公必先韓而後秦先身而後張儀正義曰先

之計而後知張儀爲秦到魏之計不如急以國合於齊楚

今不如亟以國合於齊楚

齊楚必委國於公公之所惡者張儀也

正義曰惡鳥故反公

孫昧言公仲所惡者張儀到魏之計雖以國合於齊楚其實猶不輕欺無秦也

其實猶不無秦

也於是楚解雍氏圍

徐廣曰甘茂傳曰楚懷王以兵圍韓雍氏韓使公仲告急於秦秦昭

王新立不肯救甘茂爲韓言之乃下師於穀以救韓也又云周赧王十五年韓襄王十二年秦擊楚斬首二萬敗楚襄城殺景缺周本紀赧王八年之後云楚圍雍氏此當韓襄王十二年魏哀王十九年紀年於此亦說楚入雍氏楚人敗然耳時張儀已死十年矣。正義曰自此已上十二年並是楚後圍雍氏赧王之十五年一段事也前注徐廣云楚圍雍氏之下是楚前圍雍氏赧王三年事徐說非也徐見下文云先身而後張儀及公之所惡者張儀也言張儀尚存楚又兩度圍雍氏故生此前後之見甚誤也然是公孫昧却迷張儀時事說韓相公仲耳

蘇代又謂秦太

后弟辛戎

徐廣曰號新城君。索隱曰辛戎名秦宣太后弟號新城君

曰公叔伯嬰

恐秦楚之內蟣風也

索隱曰戰國策公叔伯嬰與蟣風及公子咎並是襄王子然伯嬰即

太子嬰嬰前死故咎與蟣風又爭立此取戰國策說伯嬰未立之前亦與蟣風爭立故事重而文到也

公何

不為韓求質於楚

索隱曰令韓求楚更以別人為質以替蟣風也。正義曰為于偽反後同

質子蟣風蘇代令芊戎為韓求蟣風入於韓楚不聽公叔伯嬰知秦楚不以蟣風為事必以韓合於秦楚楚王聽入質子相韓當云楚王不聽入質子於韓承前脫不字耳次下云知秦楚不以蟣風為事重明脫不字

楚王聽入

質子於韓

索隱曰質子蟣風也

則公叔伯嬰知秦楚之不以

蟣風為事必以韓合於秦楚秦楚挾韓以窘魏

魏氏不敢合於齊是齊孤也公又為秦求質子

於楚

索隱曰公子芊戎教秦於楚索韓所送質子令入之於秦也

楚不聽怨結於韓韓

挾齊魏以圍楚楚必重公

正義曰言韓合齊魏以圍楚楚必尊重芊戎以求秦

救矣

公挾秦楚之重以積德於韓公叔伯嬰必以

國待公於是蟣虱竟不得歸韓

正義曰自此已前蘇代數計皆不成故韓

竟立咎爲太子也

韓立咎爲太子齊魏王來

正義曰蘇代爲韓立計故得齊

魏王來

十四年與齊魏王共擊秦至函谷而軍焉十

六年秦與我河外及武遂襄王卒太子咎立是

爲釐王釐王三年使公孫喜率周魏攻秦秦敗

我二十四萬虜喜伊闕五年秦拔我宛

正義曰宛於元反宛

鄧州縣也時屬韓也

六年與秦武遂地二百里

正義曰此武遂及上武遂皆宜

陽近地

十年秦敗我師于夏山十二年與秦昭王會

西周而佐秦攻齊齊敗潛王出二十四年與秦

會兩周間二十一年使暴戾

正義曰音捐韓將姓名

救魏爲

秦所敗戴走開封二十三年趙魏攻我華陽

正義

曰司馬彪云華陽山名在密縣鄭州管城縣南四十里

韓告急於秦秦不救韓

相國謂陳筮

徐廣曰一作筮。索隱曰戰國策作田茶

曰事急願公雖病

爲一宿之行陳筮見穰侯穰侯曰事急乎故使

公來陳筮曰未急也穰侯怒曰是可以爲公之

主使乎夫冠蓋相望告敝邑甚急公來言未急

何也陳筮曰彼韓急則將變而佗從以未急故

復來耳穰侯曰公無見王請今發兵救韓八日

而至敗趙魏於華陽之下是歲釐王卒子栢惠

王立栢惠王元年伐燕九年秦拔我陜城汾旁

正義曰陜音刑秦拔陜城於汾水之旁陜故城在絳州曲沃縣西北二十里汾水之旁也十年秦擊我

於太行

正義曰太行山在懷州河內縣北二十五里也

我上黨郡守以上黨

郡降趙十四年秦拔趙上黨

正義曰韓上黨也從太行山西北澤潞等州是

也殺馬服子卒四十餘萬於長平十七年秦拔

我陽城負黍

徐廣曰負黍在陽城。正義曰古今地名云負黍在洛州陽城西三十七里也二十

二年秦昭王卒二十四年秦拔我城皐滎陽二

十六年秦悉拔我上黨二十九年秦拔我十三

城三十四年栢惠王卒子王安立王安五年秦

攻韓韓急使韓非使秦秦留非因殺之九年秦

虜王安盡入其地爲潁川郡韓遂亡

正義曰亡在秦始皇帝十

年七

太史公曰韓厥之感晉景公紹趙孤之子武以成程嬰公孫杵臼之義此天下之陰德也韓氏之功於晉未覩其大者也然與趙魏終爲諸侯十餘世宜乎哉

索隱述贊曰

韓氏之先

實祭周武

事微國小

春秋無語

後裔事晉

韓原是處

趙孤克立

智伯可取

旣徙平陽

又侵負忝

景趙據侯

惠文僭主

秦敗脩魚

魏會區鼠

韓非雖使

不林杏狼虎

史貳卅伍伯壹拾貳字

註貳卅陸伯玖拾貳字

韓世家第十五

史記四十五

韓世家

田敬仲完世家第十六

史記四十六

陳完者陳厲公佗之子也

索隱曰他音徒何反此系家以他爲厲公而左傳厲

公名躍陳系家又有利公躍利即厲也是厲公名躍非名他蓋他是厲公之兄立未踰年無謚今此云厲公他非也他

名五父故經云蔡人殺陳他傳又云蔡人殺五父是也完生周太史過陳陳厲

公使卜完卦得觀之否是爲觀國之光利用賓

于王此其代陳有國乎不在此而在異國乎非

此其身也在其子孫若在異國必姜姓姜姓四

嶽之後

正義曰杜預云姜姓之先爲堯四嶽也

物莫能兩大陳衰此其

昌乎

正義曰陳僖公周敬王四十一年爲楚惠王所滅齊簡公周敬王三十九年被田常所殺

厲公者

陳文公少子也其母蔡女文公卒厲公兄鮑立

是爲栢公栢公與佗異母及栢公病蔡人爲佗
殺栢公鮑及太子免而立佗爲厲公厲公旣立
娶蔡女蔡女淫於蔡人數歸厲公亦數如蔡栢
公之少子林怨厲公殺其父與兄乃令蔡人誘
厲公而殺之林自立是爲莊公故陳完不得立
爲陳大夫厲公之殺以淫出國故春秋曰蔡人
殺陳佗罪之也莊公卒立弟杵臼是爲宣公宣
公十一年殺其太子禦寇禦寇與完相愛恐禍
及己完故奔齊齊栢公欲使爲卿辭曰羈旅之
臣幸得免負擔君之惠也不敢當高位栢公使

爲工正

正義曰工巧之長若將作大匠

齊懿仲欲妻完卜之占曰

是謂鳳皇于蜚和鳴鏘鏘有嫫之後將育子姜

五世其昌並于正卿八世之後莫之與京卒妻

完完之奔齊齊桓公十五年矣完卒謚爲敬

仲仲生穉孟夷

索隱曰系本作夷孟思蓋穉是名孟夷字也

敬仲之如齊

以陳字爲田氏

徐廣曰應劭云始食采地由是改姓田氏。索隱曰據史此文敬仲奔齊以陳

田二字聲相近遂爲田氏。正義曰按敬仲既奔齊不欲稱本故國號故改陳字爲田氏

田穉孟夷生

湑孟莊

徐廣曰一作芷。索隱曰系本作閩孟克芷昌改反

田湑孟莊生文子

湏無田文子事齊莊公晉之大夫欒逞作亂於

晉來奔齊

索隱曰逞音盈史記多作逞字

齊莊公厚客之晏嬰與田

文子諫莊公弗聽文子卒生栢子無宇田栢子
無宇有力事齊莊公甚有寵無宇卒生武子開
與釐子正義曰釐
音僖也乞田釐子乞事齊景公爲大夫

其收賦稅於民以小斗受之其粟予民以大斗
行陰德於民而景公弗禁由此田氏得齊衆心
宗族益彊民思田氏晏子數諫景公景公弗聽
已而使於晉與叔向私語曰齊國之政其卒歸
於田氏矣晏嬰卒後范中行氏反晉晉攻之急
范中行請粟於齊田乞欲爲亂樹黨於諸侯乃
說景公曰范中行數有德於齊齊不可不救齊

使田乞救之而輸之粟景公太子死後有寵姬

曰芮子生子荼

徐廣曰一作粥子。索隱曰荼音舒又如字。

景公病命其

相國惠子與高昭子以子荼爲太子

索隱曰惠子名夏昭子名

張

景公卒兩相高國立荼是爲晏孺子而田乞

不說欲立景公佗子陽生陽生素與乞歡晏孺

子之立也陽生奔魯田乞僞事高昭子國惠子

者每朝代參乘言曰始諸大夫不欲立孺子孺

子既立君相之大夫皆自危謀作亂又給大夫

曰高昭子可畏也及未發先之諸大夫從之田

乞鮑牧與大夫以兵入公室攻高昭子昭子聞

之與國惠子救公公師敗田乞之衆追國惠子
惠子奔莒遂反殺高昭子晏孺子奔魯田乞使
人之曾迎陽生陽生至齊匿田乞家請諸大夫
曰常之母有魚菽之祭幸而來會飲會飲田氏
田乞盛陽生橐中索隱曰橐音託橐中謂皮橐之中置坐中央發
橐出陽生曰此乃齊君矣大夫皆伏謁將盟立
之田乞誣曰吾與鮑牧謀共立陽生也鮑牧怒
曰大夫忘景公之命乎諸大夫欲悔陽生乃頓
首曰可則立之不可則已鮑牧恐禍及己乃復
曰皆景公之子何爲不可遂立陽生於田乞之

家是爲悼公乃使人遷晏孺子於駘

正義曰音臺又音台賈逵

云齊地也

而殺孺子荼悼公既立田乞爲相專齊政

四年田乞卒子常代立是爲田成子鮑牧與齊悼公有郟弑悼公齊人共立其子壬是爲簡公

田常成子與監止

監一作闕。索隱曰監如字又苦監反監姓止名

俱爲左

右相相簡公田常心害監止監止幸於簡公權

弗能去於是田常復脩釐子之政以大斗出貸

以小斗收齊人歌之曰嫗乎采芑歸乎田成子

索隱曰言嫗之采芑菜皆歸入于田成子以刺齊國之政將歸陳氏也

齊大夫朝御鞅諫

簡公

索隱曰御官也鞅名也亦田氏之族

曰田監不可並也君其擇

焉君弗聽子我者監止之宗人也

索隱曰齊系家二云子我父賈達

云即監止也尋其文意當是監止今云宗人太史誤耳

常與田氏有卻田氏疏

族田豹事子我有寵子我曰吾欲盡滅田氏適以豹代田氏宗豹曰臣於田氏疏矣不聽已而豹謂田氏曰子我將誅田氏田氏弗先禍及矣子我舍八公宮田常兄弟四人乘如八公宮欲殺子我子我閉門簡公與婦人飲檀臺

正義曰在青州臨淄縣東北一

里將欲擊田常太史子餘曰田常非敢為亂將

除害簡公乃止田常出聞簡公怒恐誅將出云

田子行曰需事之賊也

索隱曰需音須需者疑也疑必致難故云事之賊也

田

常於是擊子我子我率其徒攻田氏不勝出亡

田氏之徒追殺子我及監止簡公出奔田氏之

徒追執簡公于徐州

索隱曰徐音舒徐州齊邑薛縣是也非九州之徐。正義曰齊之西

北界上地名在勃海郡東平縣也

簡公曰蚤從御鞅之言不及此難

田氏之徒恐簡公復立而誅已遂殺簡公簡公

立四年而殺於是田常立簡公弟驁是爲平公

平公即位田常爲相田常既殺簡公懼諸侯共

誅已乃盡歸魯衛侵地西約晉韓魏趙氏南通

吳越之使脩功行賞親於百姓以故齊復定田

常言於齊平公曰德施人之所欲君其行之刑

罰人之所惡臣請行之行之五年齊國之政皆

歸田常田常於是盡誅鮑晏監止及公族之彊

者而割齊自安平以東

徐廣曰安平在北海。索隱曰司馬彪郡國志北海東安平六

國時曰安平徐廣說是。正義曰括地志云安平城在青

琅邪

正義曰琅邪沂州也從安平已東萊登沂密等州皆自為田常封邑也

自為封邑封

邑大於平公之所食田常乃選齊國中女長子

七尺以上為後宮後宮以百數而使賓客舍人

出入後宮者不禁及田常卒有七十餘男

索隱曰鮑昱云

陳成子有數十婦生男百餘人與此亦異然誰允南按春秋陳恒為人雖志大負殺君之名至於行事亦修整故能自保非苟為禽獸之行夫成事在茲雖子七十抵以長亂事豈然哉言其非實也

田常卒子襄子

盤代立

徐廣曰盤一作堅。索隱曰堅音許既反系本作班。

相齊常謚為成子

田襄子既相齊宣公三晉殺知伯

徐廣曰宣公之三年時也。

分

其地襄子使其兄弟宗人盡為齊都邑大夫與

三晉通使且以有齊國襄子卒子莊子白立

索隱曰系

伯

田莊子相齊宣公宣公四十二年伐晉毀黃

城圍陽狐

正義曰括地志云故黃城在魏州冠氏縣南十里陽狐郭在魏州元城縣東北三十二里也。

明年伐魯葛及安陵

正義曰括地志云故魯城在許昌縣南四十里本魯朝宿邑長葛故

城在許州長葛縣北十二里鄭之葛邑也。陽陵故城在許州陽陵縣西北十五里李奇云六國時為安陵也。

明年

取魯之一城莊子卒子太公和立

索隱曰紀年齊宣公十五年田

莊子卒明年立田悼子悼子卒乃次立田和是莊子後有悼子蓋立年無幾所以作系本及史記者不得錄也而莊周及

鬼谷子亦云田成子殺齊君十二代而有齊國今據系本系
家自成子至王建之滅抵十代若如紀年則悼子及侯剡即
有十二代與莊子鬼谷說同明紀年亦非妄說也

田太公相齊宣公宣公四

十八年取魯之邾

正義曰音城括地志云故邾城在兗州泗水縣西北五十里說文云邾魯

孟邑

是也明年宣公與鄭人會西城伐衛取母丘

索隱曰母

音貫古國名衛之邑今作母者字殘缺耳。正義曰括地志云故貫城即古貫國故貫今名濛澤城在曹州濟陰縣南五

十六里也宣公五十一年卒田會自廩丘反

索隱曰紀年宣公五十一

年公孫會以廩丘叛於趙十二月宣公薨於周正為明年二月

宣公卒子康公貸立

曰十一年伐魯取最。索隱曰貸音土代反最音祖外反

貸立十四年淫於酒婦

人不聽政太公乃遷康公於海上食一城以奉

其先祀明年魯敗齊平陸

徐廣曰東平平陸正義曰兗州縣也

三年

太公與魏文侯會濁澤

徐廣曰康公之十六年。索隱曰徐廣蓋依年表為說而不省此上文代貨立十四年又云明年會平陸又三年會濁澤是十八年表及此註並誤

又三年會濁澤是十八年表及此註並誤

求為諸侯魏

文侯乃使使言周天子及諸侯請立齊相田和

為諸侯周天子許之康公之十九年田和立為

齊侯列於周室紀元年齊侯太公和立二年和

卒

徐廣曰伐曾破之

子栢公午立

索隱曰紀年齊康公五年田侯午生二十二年田侯剡立

後十年齊田午弑其君及孺子喜而為公春秋後傳亦云田午弑田侯及其孺子喜而兼齊是為栢侯與此系家不同也

栢公午五年秦魏攻韓韓求救於齊齊栢公召

大臣而謀

索隱曰大臣謂驪忌段干朋如戰國策威王二十六年邯鄲之役有此謀臣耳又南梁之難在

宣王二十一年有驪子田忌孫臏之謀戰國策又有張丑其詞前後交互是記者所取各異故不同也

曰蚤救

之孰與晚救之騶忌曰不若勿救段干朋曰

索隱曰段

干姓朋名也戰國策作段干綸

不救則韓且折而入於魏不若救

之田臣思曰

索隱曰戰國策作田期思紀年謂之徐州子期蓋即田忌也

過矣君之

謀也秦魏攻韓楚趙必救之是天以燕予齊也

相公曰善乃陰告韓使者而遣之韓自以爲得

齊之救因與秦魏戰楚趙聞之果起兵而救之

齊因起兵襲燕國取桑丘

正義曰括地志云桑丘故城俗名敬城在易州遂城

縣爾時齊伐燕桑丘魏趙來救之魏趙世家並云伐齊至桑丘皆是易州

六年救衛相公卒

索隱曰紀年梁惠王十三年當齊相公十八年後威王始見則相公十九年而卒與此不同

子威王因

齊立是歲故齊康公卒絕無後奉邑皆入田氏

齊威王元年二晉因齊喪來伐我靈丘

正義曰靈丘在河東尉

州縣按靈丘此時屬齊二晉因喪伐之韓魏趙世家云伐齊至靈丘皆是蔚州

三年三晉滅晉

後而分其地六年魯伐我入陽關

徐廣曰在鉅平正義曰括地

志云魯陽關故城在兗州博城縣南二十九里西臨汶水也

晉伐我至博陵

正義曰在濟州

西界也

七年衛伐我取薛陵九年趙伐我取甄威王

初即位以來不治委政卿大夫九年之間諸侯

並伐國人不治於是威王召即墨大夫而語之

曰自子之居即墨也

正義曰萊州膠水縣南六十里即墨故城是也

毀言曰

至然吾使人視即墨田野闢民人給官無留事

東方以寧是子不事吾左右以求譽也封之萬

家召阿大夫語曰自子之守阿譽言日聞然使

使視阿田野不闢民貧苦昔日趙攻甄

正義曰音綃即濮州

甄城縣北合在即墨字上也

子弗能救衛取薛陵子弗知是子

以敝中厚吾左右以求譽也是日烹阿大夫及左右
嘗譽者皆并其室遂起兵西擊趙衛敗魏於
濁澤而圍惠王惠王請獻觀以和解趙人歸我
長城於是齊國震懼人人不敢飾非務盡其誠
齊國大治諸侯聞之莫敢致兵於齊二十餘年
騶忌子以鼓琴見威王威王說而舍之右室須
臾王鼓琴騶忌子推戶入曰善哉鼓琴王勃然

不說去琴按劍曰夫子見容未察何以知其善

也騶忌子曰夫大弦濁以春溫者君也小弦廉

折以清者相也

琴操曰大弦者君也寬和而溫小弦者臣也清廉而不亂。索隱曰春秋後語

溫字作春春氣溫義亦相通蔡邕曰凡絃以緩急爲清濁琴緊其絃則清緩其絃則濁清濁者言琴之聲也

攫之

深

徐廣曰以瓜持也攫音已足反

醒之愉者

徐廣曰一作舒。索隱曰醒音釋與下文舍字並同愉音

舒政令也鈞諧以鳴大小相益回邪而不相害

者四時也吾是以知其善也王曰善語音騶忌

子曰何獨語音夫治國家而弭人民皆在其中

王又勃然不說曰若夫語五音之紀信未有如

夫子者也若夫治國家而弭人民又何爲乎絲

桐之間騶忌子曰夫大弦濁以春溫者君也小
弦廉折以清者相也攫之深而舍之愉者政令
也鈞諧以鳴大小相益回邪而不相害者四時
也夫復而不亂者所以治昌也連而徑者所以
存亡也故曰琴音調而天下治夫治國家而殫
人民者無若乎五音者王曰善騶忌子見三月
而受相印淳于髡見之曰善說哉髡有愚志願
陳諸前騶忌子曰謹受教淳于髡曰得全全昌
失全全亡索隱曰得全謂人臣事君之礼全具無失故云
得全也全昌者謂若無失則身名獲昌故云全
昌騶忌子曰謹受令請謹毋離前索隱曰謂佩服
也此言常無離君

故曰謹母難前淳于髡曰狝膏棘軸所以爲滑也然而不

能運方穿

索隱曰狝膏猪脂也棘軸以棘木爲車輪至滑而堅也然而穿孔若方則不能運轉言逆理反

經也故下忌曰請謹事左右言每事須順從也

騶忌子曰謹受令請謹事左

右淳于髡曰弓膠昔幹

徐廣曰一作乾所以爲合也然

而不能傳合䟽罅

索隱曰幹音孤悍反昔以舊也幹弓幹也考工記作拊幹則拊昔音相近

言作弓之法以膠被昔幹而納諸檠中是猶以勢合而久亦不能常傳音附罅音呼嫁反以言膠幹可以勢暫合而久亦不能常傳合於踈罅隙縫以言人臣自宜彌縫得所豈騶忌子曰待拘以禮制法式者故下云請自附於萬人也

謹受令請謹自附於萬民淳于髡曰狐裘雖弊

不可補以黃狗之皮騶忌子曰謹受令請謹擇

君子毋雜小人其間淳于髡曰大車不較不能

載其常任琴瑟不較不能成其五音

索隱曰較者校量也言有

常制若車不較則車不能載常任琴瑟不較則琴不能成五音

騶忌子曰謹受令請謹

脩法律而殺姦吏淳于髡說畢趨出至門而面

其僕曰是人者吾語之微言五其應我若鄉竟之

應聲是人必封不久矣

新序曰齊稷下先生喜議政事騶忌既為齊相稷下先生淳于

髡之屬七十二人皆輕騶忌以為設以微辭騶忌必不能及乃相與俱往見騶忌淳于髡之徒禮踞騶忌之禮卑淳于髡

等緇辭騶忌知之如應聲淳于髡等辭訕而去騶忌之禮踞淳于髡之禮卑故所以尚干將莫耶者貴其立斷也所以尚

騶忌者為其立至也必且歷日曠久則系毫能挈石駕馬亦能致遠是以聰明捷敏人之美材也

居基年

封以下邳號曰成侯威王二十三年與趙王會

平陸二十四年與魏王會田於郊魏王問曰王

亦有寶乎威王曰無有

索隱曰韓嬰詩外傳以爲齊宣王其說不同所以異也

梁王曰若寡人國小也尚有徑寸之珠照車前
後各十二乘者十枚奈何以萬乘之國而無寶
乎威王曰寡人之所以爲寶與王異吾臣有檀

子者

索隱曰檀子齊臣檀姓子男子美稱大夫皆稱子
盼子田盼也黔夫又種首比自臣名事悉具戰國策

使守南城則楚人不敢爲寇東取泗上十二諸侯

皆來朝

索隱曰報莒宋魯之比

吾臣有盼子者使守高唐則

趙人不敢東漁於河吾更有黔夫者使守徐州

則燕人祭北門趙人祭西門

賈逵曰齊之北門西門也言燕趙之人畏見侵

伐故祭以求福

徙而從者七千餘家吾臣有種首者使備

盜賊則道不拾遺將以照千里豈特十二乘哉
梁惠王慙不懌而去二十六年魏惠王圍邯鄲
趙求救於齊齊威王召大臣而謀曰救趙孰與
勿救騶忌子曰不如勿救段干朋曰不救則不
義且不利威王曰何也對曰夫魏氏并邯鄲其
於齊何利哉且夫救趙而軍其郊是趙不伐而
魏全也故不如南攻襄陵正義曰襄陵故城在兗州鄒縣也以弊
魏邯鄲拔而乘魏之弊威王從其計其後成侯
騶忌與田忌不善公孫閱謂成侯忌曰索隱曰戰國策作公
孫閱公何不謀伐魏田忌必將戰勝有功則公之

謀中也戰不勝非前死則後北而命在公矣於

是成侯言威王使田忌南攻襄陵十月邯鄲拔

齊因起兵擊魏大敗之桂陵索隱曰在威王二十六年正義曰在曹州乘

氏縣東北二十一里於是齊最彊於諸侯自稱為王以令天

下三十三年殺其大夫牟辛徐廣曰一作夫人。索隱曰牟辛大夫姓字也

徐廣與年表並作夫人王劭按紀年云齊相公十一年殺其君母宣王八年殺其王后然則夫人之字或如紀年之說

三十五年公孫閱又謂成侯忌曰公何不令人

操十金卜於市曰我田忌之人也吾三戰而三

勝聲威天下欲為大事亦吉乎不吉乎卜者出

因令人捕為之卜者驗其辭於王之所田忌聞

之因遂率其徒襲攻臨淄求成侯不勝而奔索隱曰按戰國策田忌前敗魏於馬陵因彼購不得入齊歷十年乃出奔也是時齊都臨淄且孟嘗列傳云田忌襲齊之邊邑其言爲得即與系家不同也三十六年威王卒子宣王辟彊立

宣王元年秦用商鞅周致伯於秦孝公二年魏

伐趙趙與韓親共擊魏趙不利戰於南梁索隱曰晉

太康地記曰戰國謂梁爲南梁者別之於大梁少梁也。正義曰括地志云故梁在汝州西南二百步晉太康地記云戰國時謂南梁者別之於大梁少梁也古蠻子邑也宣王召田忌復故位韓氏

請救於齊宣王召大臣而謀曰蚤救孰與晚救

騶忌子曰不如勿救田忌曰弗救則韓且折而

入於魏不如蚤救之索隱曰紀年威王十四年田盼伐梁戰馬陵戰國策云南梁之難有

張田對云早救之此云鄒忌者王劭云此時鄒忌死已四年又齊威此時未稱王故戰國策謂之田侯今此以田侯爲宣王又橫稱鄒忌者蓋此說皆誤耳孫子曰索隱曰夫韓魏之兵未弊

而救之是吾代韓受魏之兵顧反聽命於韓也且魏有破國之志韓見云必東面而愬於齊矣吾因深結韓之親而晚承魏之弊則可重利而得尊名也宣王曰善乃陰告韓之使者而遣之韓因恃齊五戰不勝而東委國於齊齊因起兵使田忌田嬰將徐廣曰嬰一作盼孫子爲帥救韓趙以擊魏大敗之馬陵索隱曰在宣王二年殺其將龐涓虜魏太子申其後三晉之王皆因田嬰朝齊王於博望正義

曰括地志云博望故城在鄧州向城縣東南四十五里

年與魏王會旱阿南正義曰沛郡平阿縣也明年復會甄魏

惠王卒索隱曰按紀年梁惠王乃是齊湣王為東帝秦昭王為西帝時此時梁惠王改元稱一年未卒也而

系家及其後即為魏襄王之年又以明年與魏襄王會此文當齊宣王時實所不能詳考

徐州諸侯相王也十年楚圍我徐州十一年與

魏伐趙趙決河水灌齊魏兵罷十八年秦惠王

稱王宣王喜文學游說之士自如騶衍淳于髡

正義曰贅登齊之稷下先生也田駢正義曰白眠反藝文志云田駢齊人遊稷下號天口駢作田子二十五篇

也接子正義曰齊人藝文志云接子二篇在道家流慎到正義曰趙人戰國時處士藝文志作

慎子四十篇也環淵正義曰楚人孟子傳云環淵著書上下篇也之徒七十六人

田敬仲完世家

皆賜列第爲上大夫不治而議論是以齊稷下

學士復盛且數百千人

劉向別錄曰齊有稷門城門也談說之士期會於稷下也

○索隱曰齊地記曰齊城西門側系水左右有講室趾往往存焉蓋因側系水故曰稷門古側稷音相近耳又虞喜曰齊有稷山立館其下以待游士亦異說也

春秋傳曰莒子如齊盟于稷門是也

十九年宣王卒

子湣王地立

索隱曰系本名遂

湣王元年秦使張儀與諸

侯執政會于齧桑三年封田嬰於薛四年迎婦

于秦七年與宋攻魏敗之觀澤十二年攻魏楚

圍雍氏

徐廣曰在陽翟屬韓

秦敗屈丐蘇代謂田軫曰臣願

有謁於公其爲事甚完使楚利公成爲福不成亦爲福今者臣立於門客有言曰魏王謂韓馮

張儀曰

徐廣曰韓之公仲侈也

者秦將拔

徐廣曰在濟陰死胸

齊兵又進

子來救寡人則可矣不救寡人寡人弗能拔

曰能猶勝也言不勝其技故聽齊拔之耳

此特轉辭也秦韓之兵毋東旬

餘則魏氏轉韓從秦

秦逐張儀

索隱曰逐謂隨逐也

交臂而

事齊楚此公之事成也田軫曰奈何使無東對

曰韓馮之救魏之辭必不謂韓王曰馮以爲魏

必曰馮將以秦韓之兵東却齊宋馮因搏

徐廣曰音

專專猶并合制領之謂也。索隱曰搏音團謂握領也徐亦通

三國之兵乘屈丐之弊

南割於楚故地必盡得之矣張儀救魏之辭必

不謂秦王曰儀以爲魏必曰儀且以秦韓之兵

東距齊宋儀將搏三國之兵乘屈丐之弊

正義曰屈丐楚

將爲秦所敗今更欲乘之

南割於楚名存亡國實代三川而歸

索隱曰三川韓也

此王業也公令楚王與韓氏地

索隱曰公謂陳軫

使秦制和謂秦王曰請與韓地而王以施三川

正義曰施張設也言秦王於天子都張設迫脅也

韓氏之兵不用而得地於

楚韓馮之東兵之辭且謂秦何曰秦兵不用而

得三川伐楚韓以窘魏魏氏不敢東是孤齊也

張儀之東兵之辭且謂何曰秦韓欲地而兵有

案聲威發於魏魏氏之欲不失齊楚者有資矣

魏氏轉秦韓爭事齊楚楚王欲而無與地

徐廣曰楚王欲

得魏來事已而不欲與韓地也公令秦韓之兵不用而得地有一

大德也

正義曰蘇代謂陳軫今秦韓之兵不戰而得地陳軫於秦韓豈不有大恩德

秦韓之

王劫於韓馮張儀而東兵以徇服魏公常執左

券以責於秦韓

索隱曰券要也左不正也言我以右執其左而責之。正義曰左券下右券上

也蘇代說陳軫以上券令秦韓不用兵得地而以券責秦韓却韓馮張儀以徇服魏故秦韓善陳軫而惡張儀多取矣

此其善於公而惡張子多資矣十三年秦惠王

卒二十三年與秦擊敗楚於重丘

徐廣曰表曰與秦擊楚使公子

將大二十四年秦使涇陽君質於齊二十五年歸

涇陽君子秦孟嘗君薛文入秦即相秦文云去

二十六年

徐廣曰孟嘗君為相

齊與韓魏共攻秦至函谷軍

焉二十八年秦與韓河外以和兵罷二十九年

趙殺其主父齊佐趙滅中山

徐廣曰三十年田甲劫王相薛文走

三十

六年王爲東帝秦昭王爲西帝蘇代自燕來入

齊見於章華東門

左思齊都賦註曰齊小城北門也而此言東門不知爲是一門非耶。正義曰括地志云齊城章華

之東有閭門武鹿門也

齊王曰嘻善子來秦使魏

冉致帝子以爲何如對曰王之問臣也卒而患

之所從來微願王受之而勿備稱也秦稱之天

下安之王乃稱之無後也且讓爭帝名無傷也

秦稱之天下惡之王因勿稱以收天下此大資

也且天下立兩帝王以天下爲尊齊乎尊秦乎

王曰尊秦曰釋帝天下愛齊乎愛秦乎王曰愛

齊而憎秦曰兩帝立約伐趙孰與伐桀宋之利

宋世家云宋王偃諸侯皆曰桀宋也

王曰伐桀宋利對曰夫約鈞然與

秦為帝而天下獨尊秦而輕齊釋帝則天下愛

齊而憎秦伐趙不如伐桀宋之利故願王明釋

帝以收天下倍約賔秦無爭重而王以其間舉

宋夫有宋衛之陽地危

陽地濮陽之地。正義曰按有衛此時河南獨有濮陽也

濟西趙之阿東國危

正義曰阿東阿也爾時屬趙故云東國危

有淮北楚

之東國危

正義曰淮北徐泗也東國謂下相僮取慮也

有陶平陸梁門不

開

正義曰陶定陶今曹州也平陸兖州縣也縣在大梁東界

釋帝而貸之以伐桀宋

之事國重而名尊燕楚所以形服天下莫敢不聽此湯武之舉也敬秦以爲名而後使天下憎之此所謂以卑爲尊者也願王孰慮之於是齊去帝復爲王秦亦去帝位三十八年伐宋秦昭

王怒曰吾愛宋與愛新城陽晉

正義曰括地志云新城故城在宋州

宋城縣界陽晉故城在曹州乘氏縣西北三十七里

同韓聶與吾友也而攻吾

所愛何也蘇代爲齊謂秦王曰韓聶之攻宋所

以爲王也齊彊輔之以宋楚魏必恐恐必西事

秦是王不煩一兵不傷一士無事而割安邑也

正義曰年表云秦昭王二十一年魏納安邑及河內

此韓聶之所禱於王也秦

王曰吾患齊之難知一從一衡其說何也對曰
天下國令齊可知乎齊以攻宋其知事秦以萬
乘之國自輔不西事秦則宋治不安索隱曰戰國策作宋地不
安中國白頭游敖之士皆積智欲離齊秦之交
伏式結軼西馳者未有一人言善齊者也索隱曰軼音姪軼者車轍也言車轍往還如結也戰國策作結軻
伏式結軼東馳者未有一人言善秦者也何則皆不欲齊秦之合也何晉楚之
智而齊秦之愚也晉楚合必議齊秦齊秦合必
圖晉楚請以此決事秦王曰諾於是齊遂伐宋
宋王出亡死於溫正義曰懷州有溫城齊南割楚之淮北西

侵三晉欲以并周室為天子泗上諸侯鄒魯之

君皆稱臣諸侯恐懼二十九年秦來伐拔我列

城九四十年燕秦楚三晉合謀各出銳師以伐

敗我濟西徐廣曰案其餘諸傳無楚伐齊事年表云楚取淮北王解而却燕將

樂毅遂入臨淄盡取齊之寶藏器潛王出亡之

衛衛君辟宮舍之稱臣而共具潛王不遜衛人

侵之潛王去走鄒魯有驕色鄒魯君弗內遂走

莒楚使淖齒將兵救齊索隱曰淖音汝敎反困相齊潛王淖

齒遂殺潛王而與燕共分齊之侵地國器正義曰國掠齊

寶器也潛王之遇殺其子法章變名姓為莒太史敎

徐廣曰音
瞿一音故

家庸太史敷女奇法章狀貌以爲非恒
人憐而常竊衣食之而與私通焉淖齒旣以去
莒莒中人及齊亡臣相聚求湣王子欲立之法
章懼其誅已也久之乃敢自言我湣王子也於
是莒人共立法章是爲襄王以保莒城而布告
齊國中王已立在莒矣襄王旣立立太史氏女
爲王后是爲君王后生子建太史敷曰女不取
媒因自嫁非吾種也汙吾世終身不覩君王后
君王后賢不以不覩故失人子之禮襄王在莒
五年田單以即墨攻破燕軍迎襄王於莒入臨

苗齊故地盡復屬齊齊封田單爲安平君

正義曰安

平城在青州臨淄縣東十九里古紀之鄆邑也

十四年秦擊我剛壽十九年

襄王卒子建立王建立六年秦攻趙齊楚救之

秦計曰齊楚救趙親則退兵不親遂攻之趙無

食請粟於齊齊不聽周子曰

索隱曰蓋齊之謀臣史失名也戰國策以周子

爲蘇秦而楚字皆作燕然此時蘇秦死已久矣

不如聽之以退秦兵不聽則

秦兵不却是秦之計中而齊楚之計過也且趙

之於齊楚扞蔽也

正義曰此時秦伐趙上黨欲克無意伐齊楚故言趙之於齊楚爲扞蔽也

猶齒之有脣也脣亡則齒寒今日亡趙明日患

及齊楚且救趙之務宜若奉漏甕沃焦釜也夫

救趙高義也却秦兵顯名也義救亡國威却彊秦之兵不務爲此而務愛粟爲國計者過矣齊王弗聽秦破趙於長平四十餘萬遂圍邯鄲十六年秦滅周君王后卒二十二年秦置東郡二十八年王入朝秦秦王政置酒咸陽三十五年秦滅韓三十七年秦滅趙三十八年燕使荊軻刺秦王秦王覺殺軻明年秦破燕燕王亡走遼東明年秦滅魏秦兵次於歷下四十二年秦滅楚明年虜代王嘉滅燕王喜四十四年秦兵擊齊齊王聽相后勝計不戰以兵降秦秦虜王建

遷之共

地理志河內有共縣。正義曰今衛州共城縣也。

遂滅齊爲郡天下

壹并於秦秦王政立號爲皇帝始君王后賢事秦謹與諸侯信齊亦東邊海上秦日夜攻三晉燕楚五國各自救於秦以故王建立四十餘年不受兵君王后死后勝相齊多受秦間金多使賓客入秦秦又多予金客皆爲反間勸王去從朝秦不脩攻戰之備不助五國攻秦秦以故得滅五國五國已亡秦兵卒入臨淄民莫敢格者王建遂降遷於共故齊人怨王建不蚤與諸侯合從攻秦聽蒞臣賓客以亡其國歌之曰松耶

栢耶住建共者客耶

徐廣曰戰國策曰秦處建於共松栢間也。索隱曰耶音邪謂是建

客邪客說建在言遂乃失策令建遷共共今在河內也

疾建用客之不詳也

索隱

曰謂不詳審用客不知其善否也

太史公曰蓋孔子晚而喜易易之爲術幽明遠矣非通人達才孰能注意焉故周太史之卦田敬仲完占至十世之後及完奔齊懿仲卜之亦

云田乞及常所以比犯二君

索隱曰比如字又頻律反二君即悼公簡公也

僖子廢晏孺子鮑牧以乞故殺悼公而

成子又殺簡公故云田氏比犯二君也專齊國之政非

必事勢之漸然也蓋若遵厭兆祥云

索隱述贊曰

田敬仲完世家

田完避難

奔于大姜

始辭羈旅

終然鳳皇

物莫兩盛

代五其昌

二君比犯

三晉爭彊

和始擅命

威遂稱王

濟急燕趙

弟列康莊

秦假東帝

莒立法章

王建失國

松栢蒼蒼

史伍降捌伯壹拾柒字

註承降伍伯柒拾伍字

田敬仲完世家第十六 史記四十六

田敬仲完世家

[General Information]

□□=□□□□□□□ □□ 16
□□

□□=(□□)□□□□

□□=194

□□□=□□□□□

□□□□=1936

SS□=12459895

DX□=000007543781

url=http://book2.d
uxiu.com/search?&c
hannel=search>ag
=&sw=%B0%D9%F1%C4%
B1%BE%B6%FE%CA%AE%
CB%C4%CA%B7++%CA%B
7%BC%C7++16++%CA%C
0%BC%D2&year=§
year=&seb=0&pid=0&
showc=0&fenleiID=&
Pages=1&searchtype
=1